

上左個肥婆身, 好難移動呀

作者: 忍者龜頭很硬

Powered by [紙言](#)

第一章:上身

我而家，寸步難行，大氣都抖唔撚到。
因為我上左個200磅既肥婆身。
點都估唔到，我會有200磅呢一日。
話說我生前係好撚注重飲食，咩煎炸油膩甜野通通唔食去keep住我22寸腰，日日保養，得閒做下facial引下狗公咁就一日。
所以我死左之後ig都有成千個rip嫁，我都知大家都唔捨得我。
相反，我個妹因如，個名唔單止聽落似某個肥藝人，連個身型都一樣。
廿歲人已經成200磅，肥到座山咁。
不過我最中意同佢影相，顯得我瘦咩嗎。
講翻我先，點解好地地我會上左因如身！
事關我本人叫心如，因如係我細妹。
不過我同佢唔同老母出既。我屋企算有頭有面既人，老豆大大話話都已經有3個老婆。呢3房人當中，我老母就係大婆，因如係三房所生既，算地位低啲啦。
二房早幾年去左淨翻個仔。
所以總括講我有一個細佬一個阿妹。不過大家關係都麻麻，可能本身幾房都各懷鬼胎，成日叫我地幾兄妹唔好接觸咁多。
而家我係因如入面，我醒翻已經見到成屋都白色，仆街，行出個廳重見到我張車頭相放左係啲祖先隔離。
呢下先意識到我真係死左。
聽翻講我係咖啡因過量中毒死，但警察未查到邊個做。
我死前淨係記得，飲完杯咖啡我就好眼訓咁死左。
醒翻就發覺係因如身。
咁因如呢？

我行翻出廳，發現我阿媽好憔悴咁坐左係梳化度，成個人落晒形，睇到我個心好痛。
相反，三房坐係梳化度，眉飛色舞咁，不知幾好氣息，同工人有傾有講，差在未開張麻雀枱玩翻2手。
。依家我死左呀
班人真係冇人性嫁！

我即刻跑去攞住阿媽:媽咪，我係度呀！
點知我阿媽唔知係比我啲脂肪壓親定點，嚇到透唔到氣咁款。
「陳因如你作死呀！你老母係度呀！」katy姨係後面嬲住咁叫。
係喎，而家我係因如，我老母係katy姨先啱。一時未適應傻撚左添。
而我老母，而家要嗌佢媚姨，一野推開我。
都係既，而家我呢個行為係佢眼中都唔知擺景定贈興。
我唯有慢慢行翻去katy姨度。
屌，行2步已經出晒油。唔怪得平時因如咁少出街又冇咩朋友咁，可能驚自己啲肥油嚇親人。
不過除左肥，因如平時都算又靜又乖既，又肯幫我影女神相呢like。
可惜，又有邊個會留意下佢既內在美呢？

冇幾耐二房個仔杏子落埋黎，我都唔明一個大男人個名點解可以咁女人，不過都襯佢既，因為佢長期病樣，而且身體好潺，瘦到得棚骨咁。不過好彩有錢，佢得160但都靠父幹食唔小女。

之後我老豆落埋黎，算係成家齊整係廳。我老豆個樣真係有啲似李嘉誠，一睇就覺商人樣，不過真係本事既白手興家而家過億身家。

平時老豆都有教開我從商，好似係有意將來會比間公司我管。

而家我死左，我老豆個樣都憔悴左。佢落黎講左2句，大概係都過左去，而家唯有等警察查，叫我地大家好似平時咁做翻自己野，節

哀順變。

現場除左我阿媽喊到豬頭咁，其他人真係入房做翻自己野。

我默默行翻入房，望左眼媽咪同爸爸。

放心，我一定會搵到兇手，還翻我一個公道咖。

第二章: 疑犯

我翻翻房，就開始回想邊個最有機會殺我。

我間房被警察查完已經解封翻，唔知重有冇線索係入面。

因為我房門鎖長期壞，所有人都有嫌疑落毒。

而杯咖啡係我自己沖既，未飲我就出左房睇電視，之後翻黎飲左我就已經中毒死左。

所以應該係當日8點-9點期間有人落毒。

而當時係我同老母係廳睇緊電視，除左我地，所有人都有嫌疑。

都係去翻案發現睇多次先。

點知我未行到，已經見到杏子好鬼崇咁偷偷行入我間房！

仆街，唔通係你？

我即刻埋埋望下佢做咩，奈何我電單車般既身型好快比佢發現左。

「你個死肥婆望咩呀！翻入去做你既野啦！」杏子見到我就壓低聲線，係房衝翻出黎咁對我咆哮。

你老尾，咁大個人都未比人話過肥婆，即刻辣着左我。

「你個仆街講咩呀！屌你偷偷地入心如房，你有咩企圖呀」

聽到我好好火咁問佢，佢嚇左嚇。

「成世人未聽過你夠膽咁大聲同我講野。仲爆粗？總之你咪理我，之前我漏左野拎翻咋嘛。」

講完佢就衝走左。

仆街，你以為你走到咩？我遲早會拉左你陪葬！遲啲再搵機會捕佢，實可以搵到証據。

杏子之前一直都已經唔受我，因為爸爸成日都教我從商既野。而對佢，爸爸只會比下錢佢洗咁，冇意比間公司個敗家

仔。可能係咁，佢先想殺我想取代我個位。

杏子既証據慢慢搵都未遲，不過而家最重要係適應左因如既身體同佢既生活先。

雖然同呢個阿妹住左廿年，但我其實唔係太了解佢係個點既人。

因為佢好就得人，咩都話好，冇咩性格咁。

叮！

因如個wtsapp震左震，係johnny搵佢。

johnny？！咪之前黎我屋企想溝我個狗公？

之前因如帶佢翻黎，我好深刻，因為佢竟然有朋友帶翻黎，仲要係男人！

但個johnny一見到我就冇理過因如猛咁同我講野，不過我嫌佢煩之後就冇理佢。

估唔到佢重有搵因如。

johnny: hey are you free now ?

我睇翻佢地wtsapp記錄，啲對話都好表面，淨係約過兩次食飯，不過兩次應該都係因如比錢。

因為記錄有條仆街仔借錢証據。

johnny:前2次食飯同果5萬呢，遲啲比翻你得唔得呀??你最好了！

哇頂，為左呢錢肥婆都呢有冇良心呀

搵食都行遠啲啦。

果次之後佢地都隔左好耐冇聯絡。

好，一於出去睇下條狗公想玩咩！

第三章: 計謀

同條狗公約左係佐敦食飯，等我睇下佢有咩企圖再決定下一步點做。

想話換件衫出去，點知成個衣櫃都係清一色xxxl，啲色唔係黑就灰，見到都頹。

是旦啦，我望望鏡入面既自己，呢pat肥膏着咩都柒咖啦，拿拿林着左件頹tee黑褲我就出左去。

出到去見到條狗公，笑容滿面咁，一睇就覺有企圖果啲死樣。我地行去一間西餐廳食飯，一路上佢都同我保持距離，應該驚比人話重口味食肥婆。想幾傷自尊心，不過以前我又唔係何嘗咁笑啲肥婆呢。狗公講黎講去都重帶我遊花園，食完餐飯，佢竟然主動埋單，我就知好戲在後頭了。

「同你一齊好開心呀..不過唔知重有幾多日子可以咁陪你...」johnny突然咁講，我都打左個突。

佢之後繼續問:「之前問你投唔投資我公司件事你決定未? 50萬就得咖啦。」

哈，終於入戲肉了。

「Johnny，呢到人咁多，嘈到我都諗唔到應該投資幾多好...」

我突登用翻我以前既釣狗公大法想引佢下一步，但我唔記得左自己而家係個癡肥既肥婆...

我見到johnny既面色比頭先更慘白，佢震住咁問:「你想...去邊度靜啲?」

屌，算啦，用呢個肥婆身都好難直接勾引到佢。索性以本傷人快啲。

「johnny，我直接開門見山啦。你知我冇咩男人緣，你都算係我果type既。我而家出100萬包你一個月，冇問題既而家上房驗貨先。」

「我...」johnny面有難色，食肥婆換100萬似乎係佢心入面好大掙扎。

「呢個世界所有野都要等價交換。你唔做我出面重有大把男人我買得起。而你，淨係值100個姐。30秒內答我，唔係我地以後都冇必要再見。」

johnny個樣已經由猶豫變到下定決心。

「好，但我有一個條件。」johnny提出要求。

死狗公，我就故且聽下咩要求。

「等陣車我班翻支美極先得唔得?」

就係咁我陪佢落左百佳買左支美極。哈，今次我要你陪了肥婆又折兵。

因為我家景始終有頭有面，為左唔好撞到人唯有由去隔離街麗晶大賓館開房驗貨。

「過夜400。」個接待成個如花咁，見到都軟啦唔怪得冇咩客。

「有冇道具借?」

johnny聽到開始標汗，佢正想問果時，如花答我「咩道具都有，sm既加多200包成set道具」，條友撩住鼻屎咁講，見到真係驚啲道具全部都hi晒佢啲梳突野。

「比1 set我。」

johnny忍唔住話:「喂我唔包sm嫁....」

屌，你個死狗公又想坐地起價?

「100萬你以為咁好搵? 你唔做大把人做，唔想做可以過主。如果你做，唔該收左錢就聽話，我唔中意亂咁吠既狗。」

拋一拋佢就洩底，唔敢再出聲。

之後我地就成對心理時鍾cp咁入左房。

入到房，第一件事叫johnny沖涼先。

佢都乖乖地入左去。

我就梗係好好諗下我既計劃，嘻嘻。

頭先突登食左好多重口味野，聽講肥婆西特別臭，等陣就要請佢食全天下最臭既鮑魚。

當我自己諗到成個白痴仔咁笑果陣，有把聲出左黎，係腦入面徘徊:「唔好呀心如...唔好呀...」我突然間覺得好暈...好想嘔...好暈.....

我慢慢張翻開眼，竟然見到johnny同我講：「多謝你呀因如，咁我果100萬靠你啦，我走先啦。」

「企係度！你up咩春呀！我幾時話比你走！」

「你自己頭先話未準備好，話叫我走先遲啲再借錢比我嫁啲....」

下，咩呀，頭先？頭先我咪等緊佢沖涼囉？之後暈左，醒翻就....

一係就我暈左果陣鬼上身有人亂講..噢，我咪鬼囉，唔成立。

一係就條友鳩up見我暈左側側博。

「你而家即刻同我上床，服待得我好我會加錢。」

一聽到加錢johnny即刻乖乖地上翻床。哼，敢玩我，而家就同你玩翻舖肥婆坐蓮先得！

我用手鏟腳鏟扣住佢係床頭同床尾，佢而家成個大字型訓左係床度。

我淫笑住慢慢除晒啲衫，視覺污染下佢先。

佢淨係望見我啲肥肉已經縮到落金鐘罩。哈，我慢慢用黑布矇住佢隻眼，將不左匙美極落佢個口度。

「are you ready？」

之後我將又肥又臭既西一野坐落佢個口度，佢成個人嚇到係咁抓實個床單四肢僵硬晒咁。

「出盡力同我奶呀！我舒服既加多50萬比你！」

佢不停發出唔唔聲，可用條刷係個西入面不停打轉，又奶又啜咁，為左錢又幾落力啲。

比佢奶奶又幾舒服，個西開始不停出水，浸到佢成面都係？見到佢仲係由好痛苦既唔唔聲已經變到接受左，應該係想快啲完事。於是佢直頭成個條刷申晒入個西入面瘋狂打轉，又索索聲飲晒啲西水。

好快我就忍唔到高潮，啲水浸到佢成面都係。

我落翻地望下佢個樣，成塊面慘白。再聞下佢塊面，哇屌臭到，成陣酸縮咸魚味出晒黎。

見佢縮到落金鐘罩，我又爽完，決定放佢一馬唔玩啦。

我去左拎起我一直偷拍緊既手機，將頭先既奶西片比佢睇。片入面我背對鐘頭，反而johnny個樣入

晒鏡。

「想唔想呢段片流出u呀？」

佢成個人比野扣住係床，不停發狂咁郁想拎我部機又拎唔到，嗌左句：死八婆你想點？

我笑住咁話：「段野就值150萬既，大家當打翻個和，以後唔好搵我，你夠膽再係我身上打咩主意，段野就lin登見。」

原本都諗住幫佢解埋啲扣先，見佢鬧我八婆咁衰，我就由得佢係床比人扣住，個頭比臭西水浸翻晚，等聽朝如花黎救佢。

第四章:看見我的人

劫到死終於翻到屋企，一翻黎就見到我兩個好姊妹gigi同mandy係我屋企門口敲門，仲帶住個果藍。2個衰妹實係黎悼念我，真係好有心。

gigi同mandy係我入u識既，同科同project所以日日痴埋一齊。我幾乎成個ig都係同佢地一齊影既龜蜜照。佢地2個屋村妹出身，所以有d家底既我都對佢地不薄嫁，買單請食飯買衫成日都係我出錢，鬼叫fd咩。

入到廳見到佢兩個坐左係度，我老豆過左黎打招呼，我都好開心歡迎佢地，不過佢地好似見到我42寸腰圍同腩肉就唔係好想行埋黎。

「世伯，我地想上心如房睇下，我地真係好掛住佢呀...嗚....」哇，啲眼淚話黎就黎，睇到心都痛。之後我就帶左佢地上去我生前間房。

入面都重係好整齊，警察淨係拎左幾樣重要証物，其他野都重係好似以前咁。

入左房，gigi就好聲好氣咁同我講「你係心如果...妹.....因宜係咪？你出去先我地想靜靜地悼念下心如...」

屌，因如呀唔係因宜，不過聽到話係悼念我都冇咁火，於是我就關門等佢地，不過我都想知下佢地點悼念我，一於企係門聽下先。拎定紙巾，我驚我忍唔住感動到喊！

「啪！啪！」

咦，咩聲黎，點解不停有啲啪啪聲傳出黎？

「啪！打柒你！打到你落十八層地獄！我打！」gigi把聲黎。

唔通打甲由？明明我間房勁乾淨嫁？

「gigi呀，人都死左我地仲鞭屍，會唔會落地獄嫁？我好驚呀....」

「天有眼啦，條八婆之前成日當我地妹仔咁買呢樣買果樣，project又長期freeride，我地通撚左幾多晚頂做呀！你知唔知唔係佢有錢我一早想賣甩條八婆！」

「gigi我明呀...佢溝埋我男朋友我當時都就咁忍左，其實一早就唔應該忍佢...依家人都死左都算係報應...我地不如打幾下就走啦...」

我聽到....呆左企係度...個腦一片空白。

原來，其他人係咁睇我，係咁憎我。我一直都咁自我中心。

重要我真係當過佢地係朋友。原來都係過眼雲煙，反而淨翻既仇恨就算死亡都唔足以化解。

「mandy，我地今日黎除左打條八婆，順手拎埋佢成間房啲值錢野啦，反正都冇人用嫁啦。」之後我就聽到佢把攞野既聲..估唔到，除左屋企人，係我死後竟然得唔到任何人真心既眼淚。

我跪左係地下，眼淚一直咁流，控制唔到。慢慢覺得眼皮好重...好重...好暈.....

到我醒翻發現自己坐左係理大個lec

rm度聽書，仲要係唔知咩科黎。咦，我唔係係房門咩，點解會係學校？望望個日子，竟然係已經係1日後？？

重要今次醒翻同上次望既野好唔同，今次我望到...唔同人冇唔同色既光。

坐係我隔離個2個女仔係不停講緊人壞話，發住紅光。前面個2個男既唔聽書係度篤緊前面個肥仔個頭，發住紫色光，其他人包括professor都發住唔同顏色既光。係咩意思？

lec rm度門打開左，有個樣樣平凡既毒撚，肥肥地咁，跑左入黎。

但佢個身係唯一發出白色光。

成堂我都留意住個白光毒撚。佢真係好鬼面善但我又一時間諗唔起係邊個。

直到落左堂，我望住佢果時佢都望左過黎，但個樣係面色慘白，啊左一聲，非常恐懼咁望住我。之後佢就跑出lec rm。

wtf？佢頭先個表情係咩意思先！見到肥婆姐洗咪咁驚呀！

我即刻追出去搵佢係邊，跑兩下我已經出晒汗，呢副身體真係爛到。終於，比我係r座隔離見到佢坐左係戶外座度透緊大氣。

我行上前正想問佢做咩事頭先咁樣，都未開口佢已經拎左串佛珠出黎，係度色即是空空即是色...

「excuse me?先生你冇撚野呀化？」

佢聽到嚇到震咁指住我嗌:「陳.....陳心如你前幾日唔係死左咩.....我同你無怨無仇...唔好搞我呀....！」

wtf? 佢識我? 仲睇到我真身??

睇黎佢唔簡單。

第五章: 合作

我行上前一手捂住佢把口，佢完全震到唔識反抗。我係佢耳邊細細聲講：「你收聲，唔想我夜晚搵你就跟我黎，唔係我拉埋你落地獄...」白光毒撚聽完猛咁點頭，我就拉住佢行左去a core一個角落位，貪呢度冇咩人夠靜，唔講真係以為同佢偷情屌。

我係書包搵，好彩有鏡係入面，雖然唔知我想法正唔正確，不過搏一搏，單車都變摩托啦屌！我將塊鏡照向自己，見到既係因如。

望翻個白光毒撚，屌條撚樣冇膽到重眯埋眼震緊，真係把鬼火係咪男人黎！我一野拍落佢個頭度：「喂！mak大你隻屎眼望下塊鏡先啦，男人老狗驚鬼驚成咁。」

白光毒撚見到我拎住塊鏡，呆左呆問：「咩鬼點解會掂到我既？仲拎到塊鏡？」

佢望向塊鏡，一野嗌左出黎。

「哇屌！欣宜呀？！我隻眼呀！」

佢個樣重驚過頭先。

原來肥婆重恐怖過鬼。

不過我果然冇估錯，佢睇到我靈魂，要其他野映射先見到我肉身。

「點...點解會咁既？你究竟人定鬼？」

白光毒撚終於震定翻咁咁問我。

「不如你答左我先，點解你識我陳心如？」我望住佢個樣，輪廓硬係好似某個人，一個被我老早就遺忘左既人。

「我識你係因為..」呀...fuck...又係呢種感覺...好暈呀.....

我張開眼，發現自己係醫院，katy姨（因如老母）係隔離一味問醫生呢樣果樣。「醫生，我個女呀，我問佢前2日既事佢話完全冇印象呀，係咪個腦有啲咩事呀？佢前日話我知上上下下堂恰眼訓，醒翻發現唔記得發生左咩事啲....」

咦...佢咁講係咩意思？

我即刻望下個電話:5月4日。

見到白光毒撚已經係5月2日1點幾既事，同之前一樣，暈左醒翻就冇左幾日...唔通...有人取代左我用因如個身？

諗通問題之前，首先係要離開醫院問翻白光毒撚先，仲有果日果2個八婆gigi同mandy都可能有線索。

「媽咪呀，其實我同你講笑咖咋...我冇唔記得嫁，前日你着墨綠色有花件上衣，下身着黑色棉褲我都重記得。我想試下你關唔關心我咋嘛。」我望向katy姨，先發現佢個外圈係黑色，同醫生既淺藍色外圈對比相差甚遠。不過我通常都係見最多人係五顏六色咁，淨黑同白暫時得白光毒撚同katy姨係咁。雖然我仲未知顏色化表咩。

katy姨聽完鬧左我一陣就信我放左我走。我第一時間衝去上堂，睇下可唔可以搵翻白光毒撚問翻果日之後既事。

以防我個肉身再比人搶，我覺得要同佢溝通下先。

我係自己手掌寫左行字：「我叫心如。你係邊個？我想話你知你冇左既記憶係我用緊你肉身既時候。希望你下次出現可以寫底比我知你係邊個。」

入左lec

rm，我又好輕易係人群之中散發住白光既佢。隔離有個深紫色圈既女仔，望落幾純成笑起黎成個陳滢咁，一直係咁問白光毒撚野，兩個有講有笑，我見到白光毒撚面都紅晒，哦...明白晒睇黎用得着紫光陳滢。

我行埋佢坐係白光毒撚隔離，佢望見我個樣又係嚇左嚇，但當住咁多人佢都唔敢太大反應。

陳澐望望我，又望望白光毒撚:「咦，你個fd呀？」

白光毒撚唯有笑笑口話係，之後陳澐都好大方得體咁向我示好:「hello,我叫fafa呀，都係阿dom個fd，大家之後pj一組好冇？」哇，fafa充滿善意個天使樣，真係連身為女人既我都心動左，怪唔得白光毒撚沉船。

咦，未住。

佢話佢叫阿dom？阿dom...阿當？阿當？！

記起啦，吳敢當！中學我成日叫佢做功課果個吳敢當。事關我中學最鍾意叫毒撚幫我做功課，貪佢地聽話又穩陣。不過我有每個月比翻錢佢當人工嫁，計起上黎都算係佢老闆。不過由於大家都只係各取所需，離開左中學就冇再聯絡過。

不過比起中學，佢而家轉左黑框眼鏡，剪左個飛機頭，校服變左u記毒撚制服，真係要望多兩望先認到。

落堂之後我地一齊食飯，睇黎阿dom已經適應左我個鬼樣，不過我諗我個鬼樣應該好過睇住200磅肥婆食飯既。

餐飯fafa對住阿dom有講有笑，重好細心咁拎紙巾幫阿dom抹嘴:「污糟晒啦傻瓜！」哇，做到咁唔通已經係女朋友？不過見到阿dom笑到咁甜都祝福佢地既，條女人靚聲甜又好人。我諗紫色圈可能代表住善良既人都唔定。

之後fafa走之前我突登要左佢wtsapp，方便我日後計劃進行。

食完飯我就同阿dom繼續行，又行翻去a core個偷情位。終於可以問翻當時發生咩事啦！

「頭先果個你女朋友？勁啱咁都食到！」我拍左下佢膊頭，點知佢細細聲咁話:「未係...」下，咁親密抹埋嘴都唔係呀？睇黎而家呢個世代，真係扑埋都仲係朋友。

「阿dom，我想你幫我。放心，我會比好處你，大家各取所需，好似當年中學咁。得唔得？」我知錢阿dom唔係冇，畢竟中學我都係讀上流既國際學校。佢冇既，又想要既，應該係一段刻骨銘心既初戀。

「陳心如，幫你唔係問題呀。但你可唔可以解釋下你發生咩事先，i mean成個來龍去脈，你要一五一十講左比我知先。」

對住佢我都冇咩好掩飾，於是我一五一十將所有野同呢幾日全部經歷話晒比佢知。

「我明啦，姐係你入左因如肉身，但得我一個睇到你既靈魂。其實上次我都覺得怪嫁啦，果日你問完我點識你果陣，你突然間暈一暈，醒翻之後，我見到你個身同樣慢慢變型變翻之前鏡入面個肥婆。佢望住我mak大個口，之後唔知做咩野同我講唔好意思就衝走左。然後第二日見到既都係佢個樣。係今日上堂我先再見到你。」阿dom講完，我有啲頭緒...

句唔好意思係因如口頭禪黎....

如果冇估錯...

.....

「我而家得一個推論，應該而家我同因如share緊一個身體輪流用，但大家都冇得控制用到幾時。」係咁就麻煩啦，我要諗方法比因如唔好阻住我既計劃。

「dom，我需要你幫我查出面個係兇手。重點係證據，一定要拎到手。如果你幫到我，我應承你會幫你追到fafa，比翻段初戀你。」

阿dom聽完似乎有啲尷尬，可能係提起fafa。

「deal」

yes！爽快！而家我有助攻，場仗終於冇咁難打。

「個計劃好簡單，放心。第一樣係監視。

我已經買左我屋企隔離棟豪宅，你呢排要搬入去住，一得閒就幫我睇下果兩房人有咩動靜。我今晚會放偷聽器係全部人間房度，你果邊可以同時進行偷聽既動作。」

「哇，竊聽風雲呀家下？聽落都好刺激咁。」

「重有一樣，等間同我去買一對智能手錶。我唔知幾時我會變翻因如，佢出黎既話好大機會破壞我既

計劃。到時我覺得就黎暈我就會發sos比你，等你知我已經唔係度。」

「哇...拍韓劇咩而家...」阿dom聽完微微笑左下，先發現原來佢有隻小虎牙。

「好認真，我諗上天比我呢個翻生機會唔係冇原因既。等陣幫我拍條片，之後有用。重有，提我買埋對講機，方便我地行動時用。」我好嚴肅咁望住佢隻眼講，feel到佢唔係好自在，佢即刻望開左。

「咁一切聽你指示。今晚就即刻行動。」

第六章: 監視

安排好晒所有野，我就同阿dom前後腳入左大廈，佢而家就住係我隔離，係因如房一伸個頭出窗口就望到佢個窗，有個人傍住感覺都安心啲。而我旁邊係心如間房，佢都可以望到有冇人入去。其他房就唯有靠偷聽去拎證據。

翻到去就見到我生前既男朋友brian坐係我個廳同爸爸講緊我，大概都係節哀順變果類。但其實我地2個都係政治情侶，冇話冇感情但又唔係話好愛咁，純粹兩家人都比壓力想我地結婚有利兩間公司將來合併先勉強一齊。平時大家出面有邊個都唔會過問果種。

生於帝王家，我都一早明白你有幾多風流就有幾多代價，所以都冇怨過冇自由戀愛。反正由細到大我只要達到爸爸要求我就好滿足。當我知道佢有心交間公司比我，我都會覺得所有野都值得。

brian都係受佢爸爸之託過黎問候我，講完我之後大家就開始傾翻下閒計。佢見到我之後用左個好怪既眼神望住我，之後叫左我過去。

「因如，今日想食軟糖定硬糖呀？」佢之前次次過黎都會請因如食野。我隨便話硬糖，佢就比左幾粒我。都算佢愛屋及烏既，就算政治婚姻都重會對我屋企人好。

食完飯我就入左房。準備同阿dom交接下啲行動。

「喂！阿dom，係唔係度？」

「見到你啦，食緊野呀，咁快要做野啦？」

「你最起碼都偷聽住先，唔好錯過任何線索呀，尤其係我細佬杏子，佢上次鬼鬼崇崇入我間房，實有古怪...」話口未完，有人拍我房門。

「心如，咁我監視住先，你開門先。」

應該係katy姨搵我啦。我打開房門，見到既唔係katy姨。係brian。

「brian？」我見佢笑笑口，有小小提高聲量講：「因如，你上次咪話有科lec唔明既？我過黎快快趣教埋你廢時你exam唔識呀。」

哦，又係佢都係business出身，因如又係讀business。brian都算唔話得，連我阿妹都咁錫住。平時都見佢幾忙但一星期都一定搵日上黎食餐飯，食完就會入因如房幫佢補習，次次見佢出翻黎都成個劫樣咁。其實我以前應該關心多d佢...

我叫brian入黎，再去搵d lec note hea住佢先。

「因...如...小...女...僕...好掛住你呀...」

brian突然係後面熊抱我，兩隻手係我龐大既身軀不停遊走，我耳邊感受到佢不停向我吹氣。

有冇人話我知究竟發生咩事？

因為心靈上佢係我男朋友，但肉體係因如，我成個人呆住左，唔知點比反應...我覺得自己，好似發現左啲...

好難接受既秘密。

我調整左我自己既呼吸，叫自己冷靜。我而家係因如，一定要用因如既身份，去搵出個秘密。

我望望阿dom，見到佢飯都嘔左出黎。有時我都覺自己既接受能力算幾高。

「屌？我睇緊this av live？」阿dom係耳機度大喘。

我想叫佢收聲唔好望，偏偏比佢監視呢種事真係好尷尬，我大聲對住對講機shu左下。

brian陰聲細氣問：「做咩呀因如，你壞呀今日揀硬糖，今日哥哥就比大硬糖你食。」講完佢就拎轉我個身瘋狂咁錫我。

我而家應該點做好？！有冇人救下我！

「dom！dom！救我！」

brian一路錫一路問我嗌緊邊個。

我唯有話「咁...cosplay下嗌下救命刺激啲既...」

brian聽完好似重high左，佢攞實我係我耳邊話：「幾個月就調教到你咁乖...以前就話我地要收收埋埋，而家心如走左真係天助我也，我可以同爸爸講我要轉娶你...」之後，佢瘋狂激吻我，再將我狠狠推落床。

但我個心，莫名覺得好痛，好傷心。

我呢一刻竟然有啲羨慕因如。

我一直咁努力，每樣野想達到社會標準。我有樣，有身材，成績優秀，又會從商。

究竟我咁努力係為左啲咩野？我死左咁多日，先頭一次覺得，自己一直活得好虛偽。我咩野都冇得到過。我只係想，會有一個人，因為我死而會為我傷心，只係咁簡單。

「因如..你做咩流眼淚呀？咁入戲既你今日，我真係要好好獎下你！」

brian見到我個慘樣反而重更加high，佢已經解緊褲帶，準備將佢條小brian塞落我個口度...

救命呀！我唔要呀！！！！

「因如！出出黎你同學黎搵你話傾功課呀！」工人姐姐拍門。

brian嚇到面青，即刻着翻條褲。

我就9秒9衝左出房落廳。

我見到阿dom..果下我真係感動到勁想喊。brian都出左黎望緊邊個壞佢好事。

阿dom過黎一野搭住我膊頭，一邊講：「唔好意思我想借陳心如用下，夜啲我會帶翻佢翻黎，打攞晒。」

之後阿dom就拉住我出左屋企門口。

淨翻brian好不忿咁望住佢。

阿dom一路拉住我跑，跑左好耐好耐。

直到跑到一個廢棄左既公園，先停左落黎。

我地坐左係地下，雙方沈默起黎。

我望住個天，突然覺得，如何我直接死左可能係最好，起碼我死後，都仲係活係自己幻想既美好入面。

生前既我，係好有自信，好有活力。我有樣，有身材，有家底，有腦，可以話近乎完美。我一直都係咁覺得。

但而家諗翻起，我最差既，係冇人性。

我知道，我一直都自我中心。所有關係係我眼中都係用利益可以換翻黎，比錢就係我對佢地好既方式。我以為，用錢換真心，一直係等價交換既條件。

我一直都係咁自以為是。係所有人眼中，我既價值不如一個200磅既肥婆。點解個天要咁樣對我。

「喂..你冇野呀嘛...」

.....

.....

「你做咩突然喊呀？乖...冇事冇事...死啦我冇帶紙巾？fuck！」

本來我重沉醉緊自己既悲傷，但見到阿dom望住我喊騰晒雞咁，忍唔住又喊又笑。

阿dom見到我咁重驚多兩前重，可能似為我痴左線，手足無措咁嗌：「呀！最衰係我，趕住出黎又冇帶紙巾！頭先又咁遲先黎救你！唔好喊啦我去買紙巾比」

佢未講完，我又再一次捂住佢個嘴。

「shu, 再嘈我做鬼都拉你落地獄」

同樣既對白。但今次大家相視而笑。

就係咁樣，我地望住天空，一齊係坐到望見第二朝既日出。

第七章: 死人復活

阿dom話通常佢地會揀屋企冇咩人既時候出去，大約2,3點，爸爸係公司，我又翻學，katy姨通常出去打牌。杏子而家算有父幹既廢青，所以都成日都係屋企。而媽咪算係全職貴婦，平時生活都係打點下屋企行下街咁就一日。

所以今日我同阿dom決定走堂去睇下佢地有冇機會一齊出去。

我早早就出門口扮翻學，實際去隔離我買比阿dom做監視既住所，一齊等獵物出黎。

本來一開始我地都全神貫注望實個窗口，但望左15分鐘都冇動靜就覺得好悶。

「屌，其實有偷聽器，等陣聽到有人開門先追啦，而家咁等都唔係路。」阿dom聽完我講都言之有理，決定大家搵野磨下時間。好像呢間屋勝在咩都有，ps4 xbox switch藍球機gym rm都有，悶悶地阿dom建議打住機等。

佢搵左隻人中之龍零黎比我玩，話新手啱玩，好易操控。於是就開始玩，玩玩下我仲扮真島吾朗講對白，佢就扮女人聲講牧村實啲對白，係度yama嘍，真係勁低能。玩玩下個故事又幾正，一個關於古惑仔同盲妹既故事，搞到越玩越想睇之後點。

突然間做下支線聽到偷聽器有開門聲，即刻同阿dom彈起衝去窗口望下！

yes！等到了！媽咪同杏子好低調咁行緊去停車場，應該想搵車走！

我同dom

9秒9狗衝去停車場攞車，哇行到去架車度先發現佢地係我地架車對面！仲拎緊車匙！我咁大份，發現我係度就大檸樂。我即刻催呀dom快啲拎車匙出黎，點知太緊張佢又跣手跌左條匙落地，我急住想執點知一擰個身就撞左落架車度，痛到我啊左聲！

仆街，佢地聽到我叫望緊過黎！

正當佢就搵到聲音係我度發出黎果陣，

阿dom一野撲過黎壓左我落地下，捂住我個嘴示意我唔好出聲。

佢成個人，每一寸肌膚都貼住我，連佢每一下心跳我都聽得好清楚。

.....

.....

.....

個世界係呢一刻，好似停左咁。

.....

好奇怪，明明係危急關頭，我重留意埋啲無聊野。

細心啲望，其實佢五官都可以。佢隻眼細得黎，又好溫柔。望望下原來佢眼角下有粒淚痣，唔知佢細個係咪喊包黎呢？

佢個身，都有陣屬於佢既氣味，講唔出係咩味，但我好鍾意聞。

突然間，我望望下佢開始...心跳加速。我講唔出係咩感覺，我突然想，永遠停係呢一秒。我開始控制唔到自己，嘴角向上揚。

死啦，大鑊。

唔會嫁，我都算拍拖有過晒經驗。但都未試過呢種感覺。

我覺得...我沉沉地船....

幻覺黎！一定係，痴媽筋，我死左仲係度諗埋呢啲bull

shit。都係一時錯覺，講真，我不嬲唔信感覺呢家野，呃大腦姐，以我既理智，呢啲痴線野係絕對唔會發生。

陳心如，你死左嫁啦，你要記得，你係借人個身體過緊每一日。

連你自己都唔知，仲淨翻幾多時間。

我拍一拍dom，示意佢鬆開手先，我就比佢焗到窒息。佢鬆開手，細細聲係我耳邊講：佢地上左車，我地而家可以上車跟啦。

仆街，點解一秒後既佢，把聲都好似磁性左既？

屌，好好地講唔得係都要壓住我仲係我耳邊講，唔好借啲意引誘我！家下我真係要長期保持極度清醒先得，一個唔覺意沉多次真係會死唔眼閉。

我地起左身之後，我開始飛車尾隨佢地。為左專心渣車，我安排阿dom坐後面位。男色真係太得人驚。

跟跟下發現佢地係前面停左車，我離佢

地一百米左右停車。佢地好緊張咁左望右望，再開始行入條小巷入面。我同dom即刻吊住佢地尾，哇，條巷九曲十三彎。轉轉下終於見佢地轉翻出大路，再走左入一條巷仔既工廠大廈後門入左去。我地急急腳跟過去，佢地已經入左，架顯示上左2樓。

我望一望阿dom，大家都好有默契咁就跑向樓梯。

上到去，發現左佢地開緊鐵閘入去2A單位。我地哩左係防煙門個位睇唔到佢地入面係點，佢地入左去就關左門。

「死啦，點算，佢地入左去我地唔知佢做咩嘍。」

「你真係當我傻嘍嘛，一早放左偷聽器落我媽咪手袋啦！」我梗有兩手準備嘍啦。之後我就比左偷聽器佢，一齊聽下入面做咩。

「冇見一排，憔悴左咁多...媽咪...」係杏子把聲。

咪住...媽咪??佢媽咪咪死左既二房山田理香??我個腦即刻好混亂....

「我唔想見到你地。我當冇生過你。其實你地大可以殺左我算，係度吊我命有咩好處。」真係理香姨姨把聲！點解....點解佢未死！吊佢命又係咩意思？媽咪同杏子究竟有咩陰謀？

「阿香，其實我地都對你不薄啦。你一死我地即刻幫你搞個大葬禮。我知老爺係咁多房人最鍾意你最聽你話既，佢知道你翻日本果陣急病過身不知幾傷心，你都應該心足啦。」係...媽咪把聲。

原來理香姨既死係假既...一切都係佢地既陰謀。點解？佢地咁做有咩好處？

我諗二姨要「死」，應該一係就知道左某啲秘密，一係就阻住媽咪杏子某種目的。

我完全想像唔到，平時和藹可親既媽咪，竟然會做呢種事。

突然覺得，過去既每一日都生活得好恐怖，所有野都我唔知真定假...甚至，我開始猜測....

我既死...

會唔會同我親生媽咪有關....

我真係好希望唔關佢事...

「阿香，殺你我地一定唔會，我都有拜神既。所以你睇下，你而家係度咪一樣食好住好，有咩所謂姐。唔係你當初唔識做，我地都唔洗大廢周章搞咁多野啦。我今日知你前兩日胃痛仲拎左啲胃藥比你...」媽咪講完開始揸袋。

「呢舊？黑色野咩黎嫁...？」

我同阿dom對望左眼。

大檸樂。

「仆街，偷聽器黎！」之後我聽到佢地開門聲。

我同阿dom即刻轉身推開防煙門跑，我地邊一個比佢捉到應該都會冇命，畢竟發現左咁大個秘密，就算係係因如，佢地都可能好似對理香姨咁對佢一被失蹤。阿dom就更甚，捉到實唔洗旨意有命。我開始相信佢地真係咩都做得出。

我地瘋狂跑翻落地下，佢地聽到防火門有聲都好醒目咁追緊過黎。

我個肥身體搞到我跑到落地下已經上氣不接下氣，我決心有命翻到去既話一定要開始減肥！阿dom見到我慢左，拉牛上樹咁死拉住我隻手向前衝，我地好彩趕得切衝入車撞車走人。

點知佢地一樣撞車追我地，媽咪手車都幾辣，我識飛車都係佢遺傳...今次真係要拓海上身先掂！

頭搖又尾擺，飄移境界！

不想放大只想放大被放大！

我個心燃起熊熊烈火，一於當佢gtr咁揸！

於是我踩行油，一野剷上公路，拋左佢一段距離，但媽咪都開始加速，如果一直跟公路行一定會比人跟到。

「...如果衝落海你點睇？」

阿dom俾我突如其來一句說話嚇到賴屎。

「喂！我唔識游水嫁！何況係個海可以游去邊呀？」「我知果邊，游10分鐘左右可以上到岸，之前我有游過渡海泳，信我！」

「喂！仲有冇其他方法呀！」

「等陣一衝落去你預備定開車門」

「啊！！！」

隨住佢既尖叫，我一野加速完美衝落海！

「開門呀柒頭！！！！」

就係咁，我地連人帶車插左入水。好彩條柒頭開得切門，唔係啲水壓頂住隊門實九死一生。

我即刻出左車門，點知見佢重係入面。

你又點估到佢聰明到唔識係水解安全帶！

我即刻游過去佢度幫佢解，一路搵個扣位，終於啲一聲解左，但我見佢已經冇咩氣。

喂！頂住呀！我唔想收你屍呀！

我一野扯左佢上翻水面抖氣，之後我攞住佢單手游，一路搏命游，我唔會允許我地任何一個人死係度！

終於，係我預計時間10分鐘內游翻上岸。

我一個人拉左佢上岸，氣都未抖順，第一時間望下阿dom咩情況先，頭先攞住佢游見佢完全見佢咩反應都冇，個心都驚佢係咪缺氧太耐休克。我即刻摸下佢個心，仲跳緊，好彩！好彩！嚇死我！

「喂！醒下！而家安全啦冇事」我搏命搖佢都冇反應，唔通嚇暈左定點？死啦，唔會變左植物人呀化？

我即刻同佢做心外壓，做左二三十下都冇反應。

.....

咁姐係分明迫我做人工呼吸嫁姐！

.....

拿...係情況所迫咋...唔係話我好想呀...

身為一個有測隱之心既人，救人好正常姐。

內心交戰完一輪，我lam下個唇，吸左口氣，準備呼入佢個口度...

正當我個鼻貼住佢個鼻果剎那

.....

佢醒左。

.....

.....

屌你個天係咪玩我呀差啲就埋到牙啦！個感覺就好似啲到一半條女話夠鍾我又冇帶錢加鍾一樣咁殘忍呀！

「喂...點解你好似好失望咁..」

聽到阿dom篤中我內心死穴，突然就燥起上黎:「係呀好火滾呀有個豬隊友，水又唔識游重要我救翻佢！妖」

「你m到呀咁燥？我之前都救過你，大家打翻個和啦...」

見到阿dom氣弱游絲既樣...其實都係我累佢冒咁大個險既...

諗諗下，我覺得再同佢查落去佢處境分分鐘又好似今日咁危險。

擔心死人，邊捨得佢再好似而家咁。

反正一開始都係我格硬拉佢落水...而家佢幫到我咁都好足夠嫁啦...

之後，交翻比我一個就夠。

我希望，佢可以繼續過翻平凡既學生生活。

呢刻，我心中落左個決定。

第八章: 驚喜

果晚翻左屋企之後，我沉思左一晚。

可能所有事黎得太突然。冇左阿dom，調查條路一定難好多。再加上因如一直冇出過黎，我完全預測唔到幾時佢會突然出黎影響我行動。

「喂，Johnny，有單野想你幫我。」

無辦法之下，我又打翻比johnny...

佢一聽到係我打黎，就勁嬲咁鬧我：「你重想點呀？又想威脅我？我係窮，但上次你都玩夠我啦。我唔想再信你。」

「你而家睇下你戶口先。」

johnny放低電話，靜左幾秒之後：「...300萬？」

「當係對上次件事既道歉禮物。呢件事我真係需要人幫忙。上次既事一筆勾銷好冇？」

johnny聽到我肯低聲下氣，又見我份禮咁重手，終於肯應承同我見面。

我叫左佢星期一朝早11點海濱公園等我。果日係阿dom實現佢願望既日子，欠佢既承諾，係時候要實現。

「因如，你叫我準備好既野我搞掂啦。」Johnny11點就準時到左，叫佢準備好既野都買好晒。

「good.今日係我朋友既大日子，呢個場地今日我包左，7點前一定要搞掂呀」

今次將會係一場大工程。我地兩個要係呢個500尺既戶外地方，係7點前打造成一個最浪漫既地方。砌花，剪紙，鋸板，johnny全部都勝任，而且勤力又快手，估唔到以前一直覺得佢係個遊手好閒既狗公，原來多才多藝。

反而我連掛個banner，摺個心都手忙腳亂，真係相形見绌。johnny見到我咁，搖搖頭歎左口氣搶左我個摺紙，係我面前一步一步重新摺一次。「睇住啦，呢個角要咁摺落去先靚嫁」

就係咁，我地一齊合作，一步一步由佢帶領下，將呢個場地佈置得比我之前想象既更加浪漫。

忙左咁多個鍾終於搞掂，johnny同我都相視而笑。

依家，萬事俱備，只欠東風。

「喂，我到左啦，你係邊呀？」7點正阿dom就已經打比我，佢真係好準時。

「行前啲，行去前面有個心型果度等我。」

其實，我真係好希望，今日等緊佢既人，係我。

我想我可以拉住佢入去我親手佈置既場地，比佢見到我既心意，再感動落淚個樣。

我想拖住佢，望住佢對眼講，我鍾意左你。

我想見到佢露出驚訝又羞澀既表情，再輕輕將我抱入佢懷中。

我想貼身聞住佢個身獨有既氣味，再聽佢同我講，我比你更早鍾意左你。

「我想...同你講」

我行到阿dom面前。佢見到我為佢佈置既地方：

滿地鮮紅既玫瑰花瓣鋪成一個巨大既心，旁邊兩側排滿一紮紮鮮花，花香撲鼻。鮮花既盡頭有幾塊大型紙版，每塊都佈滿五彩繽紛既led燈，而且連住一個個湖水綠色既氣球。紙版上痴滿密密麻麻既心型摺紙，形成幾個秀體既英文字句。

「will you stay with me?」

佢望住我，臉上露出羞澀而驚喜既表情。

「你...」

「shu...」我再一次唔比佢講野。

「good lucks」

講完我就默默轉身。

fafa係我身後行左出黎。

佢企起我本來企既位。唔係。

個位本來就屬於佢。
呢個夜晚，係我送比佢既禮物。
一個佢最幸福既夜晚。

第九章: johnny

果晚我冇再望過佢地之後點樣，我就同johnny走左。一路上johnny見到我個樣，都唔係好敢出聲。就咁樣一直陪我行左好多條街。最後我地行左去個公園入面。

我訓係滑梯，望住個天發呆。

合起雙眼，腦入面響起katrina既旋律。

「何時心死 還期望他喜歡你 誰會這麼的不服氣 竟有個人 陪你一起 就似你」

訓係我隔離滑梯既johnny，竟然又哼起呢首歌。

原來佢唱歌都幾好聽。

佢望望我，不經意咁問：「想唔想聽下我既故事？」

「麻麻地啦」

「故事發生係我中學既時候。」

屌，咪又係照講，假民主。

「果陣我中六，有個同班既女同學，我暗戀左佢三年。

佢有住塊包包面，小小肥，但笑起上黎總係可以比到好大正能量我。佢係果種，你見到佢笑自己都會自然心情開朗既人。

為左可以見到佢笑，佢叫咩我都肯做。做功課，借書比佢，冇m巾就搵圍間人借比佢。呢啲對我黎講都係濕濕碎。

因為當你好鍾意，好鍾意一個人既時候，你會覺得，佢比自己重要十倍。」

我聽到呢到：「咁之後你地有冇一齊到？」

Johnny苦笑左一下，答我：「有。」

「但最後先發覺，越愛一個人，你越難擁有佢。有幾愛，就有幾痛。冇人可以逃離呢種厄運。」

「而搵一個，冇咁愛既人。大家互相帶比大家既傷害都冇咁大，反而可以白頭到老。」

「所以大部分人既結婚對象都唔會係一生最愛。好似我老豆有三個老婆都唔夠就知啦。你個故事都好老套姐。」我借啲意挖苦佢，點知佢係都要駁翻我一句：

「你咪同我一樣，唔係洗咩而家同我呢件老套野一齊攤係度放負」

屌，又比佢串到應一應。兩個loser一齊係度放負。不過感覺有人明白既痛苦，好似變得冇咁難承受。

「johnny...上次件事sorry呀，我諗住你係想呃錢我先想報仇...」我突然諗翻起上次我都係過分左既。

「其實為左錢我唔係第一次咁出賣自己，冇野啦，出得黎行預左。我係黐你唔比錢我姐。」

估唔到佢竟然冇放上心。屌，搞到我越黎越內疚。

「你因咩事咁缺錢？」

「咪又係果啲老套野囉。我屋企係做室內設計加裝修果種一條龍服務既，連拜四角，風水果啲都包埋黎撈。但我老豆比個拍擋穿櫃桶底重用公司名差落一大筆債。我老豆要面唔想報警搞到咁大。一時間冇咁大筆錢咪出黎撈囉。

講起上黎我多謝你先啱。你打電話比我果日，原本我地含家產諗住燒炭一鑊熟嫁啦，點知聽完你個電話突然多左300萬，果晚我地全家即刻拎包炭出去bbq慶祝。」

我聽到呆左。估唔到我從來亂咁揮霍既錢，竟然係人地掙扎求存既希望。突然覺得好慚愧。

其實johnny都係一個可憐人。

「你一早同我講...我知你係呢個處境一定幫你，好彩而家冇事咋。

不過我想問下...你頭先話你公司包埋拜四角，風水呢啲野？你地公司請埋風水師嫁？」

「唔係，係我老母。」

你信唔信呢個世界有鬼先？」

我諗，

冇人比我係呢個世界更加相信有鬼。

第十章: 陰陽眼

「你信唔信都好啦，我老母有陰陽眼。其實風水果啲野都係佢鳩吹下搵錢，佢主要既職責都係去個客間屋開眼睇下有冇麻煩鬼姐。」

有陰陽眼？係真係唔係呀？

如果係，咁佢老母可能可以幫到我，畢竟我到而家都仲未知點自己點解死過翻生，同埋唔同人既光都未知代表咩，一切一切都重係個謎。

估唔到，佢老母竟然係萬中無人既陰陽眼！

「其實我都有遺傳左老母既陰陽眼，不過我自從小學開過一次之後就嚇到唔敢再開...果陣我一開就見到...

對面鄰居背上面...原來一直揸住隻痴女鬼...可能個女仔生前太愛佢，唔捨得放手。不過真正望見都真係有啲不安。同埋遺傳得好小，開一次用好多能量，第二日我已經虧到病左...」

johnny 話口未完，我已經一野係滑梯另一邊反過去充滿期待咁望住佢：

「johnny!求下你而家開一次比我睇好冇??」

我真係好想知道真定假。

「痴線，好恐怖嫁，唔好啦...重好傷，我已經夠虧嫁啦」

「開一次，5萬」冇辦法，錢有時真係萬能。

「.....唔好啦，我....真係驚，童年陰影」

「驚冇錢定驚鬼多啲呀？加多1萬，你都唔想窮到有中年陰影㗎？」

Johnny聽到錢，諗左陣，最後都係死死地氣話：「唉屌....死就死啦」

講完之後，佢就坐左起身，叫我唔好出聲。

之後佢合理左雙眼，dup低左個頭，完全冇反應。

我好緊張咁行左係佢面前，蹲低望實佢，期待緊佢會唔會見到我。

哇...佢身上本來發出既淺黃外圍光...慢慢咁...變左做白光！不過佢既白光重光過阿dom發出既光。過左陣，佢慢慢張開雙眼，望見眼前既我。

.....

.....

.....

佢既眼神流露出複雜而難以言喻既感情。

我知道，

呢一刻既眼神交流，

已經穿越左陰陽之隔。

佢深呼吸左一下。相比起阿dom既反應，johnny明顯沉着好多。即時再震驚都保持住一定程度既震定。

佢慢慢伸出手，摸住我塊面，再慢慢將視線移近我。

佢一副難以置信既表情望住我，足足望左成分鐘。我地就係咁樣靜左望住對方成分鐘。

「陳心如...」johnny終於開口嗌我個名。

佢真係冇呢我，佢睇到我。

佢調整一下呼吸，沉默左幾秒，再神情嚴肅咁同我講：

「你..同因如個靈魂，一齊住左係度。你可唔可以話我知幾時開始上左佢身，同之後發生咩事？」

我一五一十將我所有發生既事一字不漏咁講比佢知。

Johnny聽完之後，若有所思咁答我：

「鬼死後附身，基本上係唔可能。我聽阿媽有講過，一個肉身只能由一個靈魂操控，而活着既人既靈魂，意念同力量都較死後既靈魂強大，所以鬼係好難上到普通人身上。

除非...有兩種人。

一種係植物人或者受重傷既人，佢地既靈魂遊離係人間至陰間，呢個時候係好易比鬼侵佔個軀體。
另一種就係，自願讓出身體既人。通常係尋死者或者有愧疚者，又或者係愛人，佢地想用自己個肉體，
什至條命換取某啲對佢地重要既人既復活，所以自願獻身。
我估因如係後者。所以佢而家只係化作一個極小既意念，讓個身體比你。」

「你係話...愧疚者？」

莫非，我既死同因如都有關？

第十一章: 新拍擋

「你同唔同到佢講野？我有好多野想問佢？」

「我做唔到，佢而家算係靈魂沈睡緊既狀態，我遺傳左小小陰影眼，點叫醒沈睡緊既靈魂...要問下我老母啦...」

話口未完，johnny突然間全身冇力訓左落地。「都話左...用好多能量嫁啦...陪你din左成日..我重未....食...飯...嫁」然後就不省人事。

「喂喂！醒下呀！」屌...早知唔好咁心急叫佢開眼啦...估唔到用既能量會咁大。

男人老狗暈左係個公園度，我又唔知佢住邊。冇理由帶佢翻屋企咖...去開房我又唔夠錢，今日走得太急銀包都冇帶..

唯有拎johnny啲錢啦...

.....

.....

屌你男人老狗帶得個5蚊出街！有冇咁撻窮呀！5蚊兩個人坐巴士都唔夠啱！

...唉

當我還翻比你。

我慢慢將佢拉翻起身，再將佢拋上我背上。估唔到...佢都幾重下。條友食咩大食到咁窮都會有咁多肌肉嫁？？重死我啦屌...

而家唯有，將佢搵翻去之前我買比我dom監視間屋度啦...話說今日搭車過黎都用左個半鍾.....

真係前世欠左你。

我一路搵住johnny行，行到我都已經唔記得，過左幾多條馬路，穿過幾多條天橋。

有好幾次我差啲想搵底佢係街邊算，但始終都係我搞到佢咁樣...唯有放佢係地下，休息一陣，再繼續行。

慢慢我隻腳已經酸到冇知覺，手機無電又唔知行左幾耐...直至我就行到屋企附近，見到個天開始光...

我居然搵左佢成晚行翻黎。

佢居然成晚都訓到隻豬咁，但就係叫唔醒佢。屌，都唔知係咪特登既。

不過算啦，都已經到門口，有咩放底佢先再計。

我拎起褲袋條後備匙，「咔」一聲開左度門，曙光就係前面！我終於可以放底佢！！

「你翻黎啦！我想同你講」係阿dom把聲。

係阿dom把聲？！wtf？

我咪wtsapp左佢話任務完成叫佢唔洗再翻黎囉？點解佢會係度？

今次真係尷尬到震。

呢一秒，呢一個空間入面，我望見我鍾意既人，突然出現係呢度，而佢正望住我搵住第二個男人翻黎。呢個一直屬於我地兩個既空間，滲入左第三個人既空氣。

雖然，我一早冇預過會得到佢。但至少，冇人會想係鍾意既人面前破壞自己既形象。連我自己都唔識解釋我同johnny既關係，唔通話開房識嫁咩。

「其實呢我...」

「哈哈...冇呀我都係啱啱上黎。想話漏左啲野未拎，而家拎埋之後唔洗打攞你嘛。

仲有呀...多謝你比個咁正既場我，多得你，我先咁順利同fafa一齊。」

佢有啲...唔自然。

我見到佢既白光...開始慢慢泛紫色。

講完之後，佢就笑住咁走左。

呢間屋，淨翻我...同johnny。

再有佢既痕跡。

Johnny之後都係一直昏睡緊冇醒過。

坦白講，我真係幾擔心，又唔知有咩幫到佢，直到中午我都一直睇實佢唔敢訓住。

到1點幾，我眼皮已經好重，好重，好想訓覺，差唔夠就恰着果陣，佢突然間捉住我隻手，慢慢張開雙眼。

「終於醒啦..」終於...我終於可以安心咁...好奊...我慢慢趴係佢度，好安心咁合埋眼，進入夢鄉...

唔知訓左幾耐，醒翻就聞到一陣杯麵味。johnny係我隔離玩住人中之龍零，一路睇住真島發左din咁單一匹馬踩場救牧村實既劇情，一路食麵。搞到我又諗起佢。

我望望我雙腳，每個水泡，擦損既位都用膠布貼好左，而且...我件衫唔同左，摸摸入面，連個bra都冇左。

「喂，點解我件衫唔同左？」

「唔通你件衫識變色咩，擺明我除噪啦，你個身我邊忽未睇過呀。」johnny一邊救牧村實，一邊若無其事咁答我。

唉，是旦啦。我落床坐左係佢隔離同佢一齊食杯面，一路打機。其實我一直都好想知，真島同牧村實最後會點。

「那個人的樣子...好像很悲傷。」

牧村實最後，終於可以睇翻野。但同時，佢亦無辦法再見到，黑暗中一直帶領住佢既真島。

就好似，呢個人從來冇存在過一樣。

兩個本來唔同軌道既人，交會過後，最終都只會分開。真島，最後都忍痛，過住原本屬於自己既生活。

「因為佢地冇一齊到，牧村實先會成為佢一生最愛。」johnny講完就關左部ps4，我都由回憶入面抽翻身出黎。

時間有限，幾難過都係時候要翻翻軌道。

「johnny，聽日我地要去多次之前同你講果棟工廈度，我驚理香姨已經比我媽咪同杏子帶走左，我地一定要快過佢帶走理香姨。」

第十二章:危機

第二朝一大早，我同johnny已經準備好晒所有野去工廈救人，為左今次更加安全，我同佢帶埋電槍同細刀，以備不時之需擺黎保命。

話咁快就到左上次個工廈，我同johnny偷偷地上翻2樓，慢慢咁行近2A。為左確定入面有冇人，我叫johnny拍下門先，我就匿埋一二邊睇情況。

佢拍完一陣，唔見有任何反應。之後佢係袋拎左啲工具，兩三下就解左道門鎖。

我地慢慢拉開鐵閘，慢慢望向入面。

一個人都冇，地下有兩個解開左既腳扣。

睇黎我地遲左一步。我地入到去，周圍搜刮下有咩線索。成間房大根200尺左右，環境簡陋，只有最基本既廁所，雪櫃，一張梳化同電視，角落有一大堆罐頭同藥物，仲有啲生活必需品。

雖然環境唔算惡劣，但如果長期生存係呢個狹小空間，都一定會生不如死。

搵左好耐都冇發現。正當我諗住失望而回果陣，johnny震住把聲叫左我一下。

.....

仆街！

.....

仆街仆街！

係個局黎！！

我望住johnny手拎住既針孔攝影機，我知道，

今次我地插翼都難飛。

「沙...」通風口開始有米白色既氣體出黎，我同johnny即刻跑翻去開門，個門口有野隊住左出唔到，我地依家就好似受驚既獵物咁任人宰割。

煙霧越黎越多，我同johnny已經貼住大家訓左落地下，全身乏力。

我真係唔想死多次。

我更加唔想johnny無命。

我勉強支持住望向johnny，我已經連講野既力都冇。我好想同佢講聲對唔住，係我搞成佢咁..

佢望住我，吃力咁伸出手為我抹乾面上既淚痕，到最後，佢選擇溫柔地原諒我帶比佢既結局。

.....

慢慢，我開始睇唔到野...

好叻...眼前...越黎越黑.....

「痛...」慢慢我開始醒翻，發現全身郁唔到。我雙手被反綁係椅背後，同另一雙手綁埋一齊，冇估錯對手應該係johnny，佢同我一樣被反綁係櫬度。不過我既視線完全睇唔到後面既佢而家點樣。

唔單止手，我雙腳都比腳扣鎖住郁唔到。我慢慢抬起頭望向周圍，發現我地被囚既空間非常細，而且全密封，好似一個箱咁，一啲光線都冇，周圍都好黑，而且望向四面唔見有門。

呢種環境....唔通...

「呀...個頭好痛」係johnny把聲，

「johnny!johnny你未死呀！」我激動到流眼淚，啱啱我真係以為再見唔到佢。

「shu..出面有人」johnny話口未完，我地聽到啲腳步聲越黎越近，越黎越近，直到我地個箱出面停左。我聽到有鎖匙聲，慢慢鑽入匙圈開鎖，眼前度門逐漸俾人向下拉開。

一道刺眼既陽光撲面而黎。

映入眼簾既，

係媽咪同杏子。

我望住佢地身後既環境，係貨櫃場，成千上萬數唔盡既貨櫃就係眼前。而我同johnny似乎就困係其

中一個貨櫃入面。

佢地留翻小小門縫透翻小小光線入黎，再來回渡步審視我地兩個。

銳利既眼神令人不寒而慄，我感受到johnny雙手開始微微發抖。

我十指緊扣捉實佢對手，希望盡我努力比我僅餘既安全感佢。

「因如，點解你要搞到自己咁既局面呢？katy由細到大都教你，閒事莫理，眾地莫企。點解你係都要自尋短見？」

首先出聲既係媽咪，佢一邊搖頭嘆息，一邊拎起旁邊原本屬於我地既小刀同電槍，一步一步咁行過黎。

佢望住我驚恐既眼神，再一刀插落我大腿。

「呀!!!!呀!!!!...」淒厲既叫聲傳遍整個貨櫃場。

好痛！好痛！真係好痛！痛到我全身每一段神經都好似俾人勒住，痛到我個頭好暈，好暈..

好痛苦..救我...

我用盡力氣，移動我既尾指掃一掃我隻錶.....

「點...解」

「你問我點解？我先問你點解。點解要查我？點解要跟蹤我？點解你咁多事？由你有份保守秘密開始你都已經係一個殺人兇手，突然同我玩良心？」

我完全唔明佢講咩...？保守秘密？殺人兇手？因如真係有份害我？

「仲同埋個契家佬一齊想查我底？你以為你得咩？」講完，佢一刀係我大腿拉翻出黎。我再次經歷一次撕心裂肺既劇痛。今次，我叫唔出...杏子將布包塞入我個口度。

我好辛苦...望住個大腿血如泉湧，我全身開始出冷汗，痛到一個生不如死既地步。

我一直捉緊johnny既雙手慢慢鬆開，今次，到johnny緊緊咁捉實我，但佢只能發出唔唔聲，睇黎佢個口都比杏子塞住。

「我知你同brian有路，我有冇篤過你？反而我地先係你大恩人，唔係我地幫你，brian同個心如結左婚的話你以為你有冇得見佢咩？你竟然恩將仇報？」

真係...佢地...殺.....我.....

「不過都好，冇埋你，公司未來既繼承人得杏子，個老野都冇得唔就範」

我個腦開始唔係好諗到野...我好痛....

「我拜神既，唔想整污糟對手殺你地。反正你又失血過多，呢個密封空間又有咩氧氣，我同杏子聽日先黎幫你地收翻個屍。如你所願，落去同你家姐團聚啦。」

隨後佢又不忿咁擱左johnny幾巴，先施施然同杏子鎖門走左。

淨翻我同johnny，絕望咁係呢個密封既

空間入面，倒數住生命既分秒。

第十三章:逃走

我唔想死.....我唔想再死.....我唔甘心.....我重未搵到真相，我唔死得，我唔死得...

我用僅餘既意志堅持住保持清醒，望住我大腿不停流落黎既血已經浸滿左我成條褲。冇時間啦.....再唔止血，我必死無疑....

我吃力咁用手捉一捉johnny，佢知我重有意識顯得好激動，一直捉實我。係我腳既旁邊，係頭先係我大牌拉落黎既刀。呢個係唯一可以鋸斷麻繩既希望，我用手指頭不停刮johnny希望佢留意到把刀。

身後johnny開始不停搖晃將橈，睇黎佢已經知我想點。我地出盡力咁向左邊傾，終於，我地連體嬰咁一齊連橈連落地，我地雙手離把力只有5cm左右。

Johnny雙手放開我，雖然我睇唔到佢做咩，但係冇幾耐我已經聽到手指夾起刀鋒既聲。我感覺到雙手既麻繩一併比佢慢慢切割緊....

呀！....

一陣劇痛由手腕傳黎。白痴，你割埋我條脈啦！

原本重撐到既意識，比佢割一割，個頭比頭先更加暈。反而身上既痛楚已經痛到一個點，冇太大感覺

...

冇幾耐，我同佢手上既繩已經割開，佢即刻坐起身將我抱住，再將我地塞住口既布擺開。

「喂！你唔好嚇我呀...你..你流好多血....頂住呀我地一定出到去嫁！」

johnny終於正面望見我，佢見到我成身都浸滿血，震到成個人都手忙腳亂，手足無措咁。佢即刻撕開佢件衫包紮我大腿仲大量流緊血既傷口，再一直死用手擦住個傷口止血。但佢見住啲血由佢指縫間滲出黎，眼神慢慢變得難過而絕望。

「放棄我啦...johnny，你重有機會出去...唔好浪費時間係我度啦..呢度咁少空氣撐唔到好耐...」

我已經慢慢意識變得模糊，奄奄一息。

「唔要呀...收聲呀你...」

佢既聲音變得哽咽。

模糊既視線中，我見到johnny一路擦實我個傷口，

佢既眼淚控制唔住，一滴，一滴咁流。

今次係我第一次見一個牛高馬大既男人，

竟然會為左我成個女人咁係度喊。

「johnny....可唔可以開多次眼？」

「...？」

「我想死之前，係你面前既...係陳心如..」我任性咁向johnny提出最後一次要求。

Johnny點點頭，再一次合起雙眼，外圍既黃光慢慢變做白光。

好溫暖。

佢再次張開眼望住我，但係佢面前既我，已經面無血色，不停發冷...大概冇淨翻幾多時間....

Johnny一直死攞實我係咁呵氣，保持翻我身體既溫度，不停話:「撐多陣呀，我地都唔洗死，我實會諗到方法嫁...唔好訓覺...千其唔好訓着...」

我會心微笑左一下，講真，死之前世界上有一個人會因為我消失而難過，我已經覺得冇咩太大遺憾。比起上一次死，今次我已經覺得..好滿足。

「...心如...心如，唔好訓住，我隔離...好似...有個人....定....鬼」johnny突然間望住佢隔離團空氣講野，可惜我身為鬼都睇唔到我既同類。

「傻佬...你...開左眼...應該.....係鬼黎....」我喘住氣咁話佢聽。估唔到,呢一幕就好似睇戲咁比啲遊魂野鬼睇住...

「心如..睇黎我地仲有...百分之一既希望。今次睇黎靠” 佢” 啦...」

第十四章:小孩

Johnny同隔離空氣密密講左一陣，唔係好知佢講咩。之後見到johnny點點頭，再揮揮手。

「你.....同佢.....講左啲咩.....？」

johnny望住我，用佢隻手一邊抹走我塊面不斷流出既冷汗，一邊答我：

「佢係個細路仔黎。佢話我知佢以前好鍾意貨櫃場同朋友玩捉伊因，有一次佢偷偷爬左入黎，關埋個貨櫃躲係度，點知過左好耐都冇人搵佢...結果佢想出翻去既時候發覺開唔翻門，就係咁係度死左。」

「又會...咁兒戲既...佢死後一直係度...？」

「嗯，佢話因為佢啲朋友仲未搵到佢，所以佢死後都一直係度等場遊戲完。

頭先我同佢講，叫佢出去幫我地搵搵有冇人可以救我地...如果我地出到去就同佢玩多次捉伊因。佢聽完就好開心出左去。」

「但...邊有人睇到佢...」除左johnny仲有邊個睇到佢...冇人見到又點救到我地...

「我所講既百分之一機會...就係...

希望係附近同樣有陰陽眼既人可以見到佢,然後我地就有救....」

咁都重話百分之一...唔怪得johnny 數學u左...

好叻...唔想再諗咁多啦...

唯有聽天由命。

我攞住johnny隻手臂，挨係佢度，安靜咁等上天再一次拎走我條命...

時間一分一秒過緊，每一分鐘對我黎講都係痛苦難熬。而johnny就不停係我隔離講野，希望我一直保持清醒。但過左唔知幾耐，我大腿既血已經流得七七八八，呼吸都越黎越困難.....

「我覺得.....我就.....撐唔到.....」

Johnny聽到即刻不停搖我，阻止我訓着。「撐多一陣！一陣！.....翻黎啦！佢翻黎啦！」johnny欣喜若狂咁望住前面空氣問係咪有人黎，之後佢不停拍個貨櫃，不停大嗌:「呢度呀！有人係呢度呀！救命呀！救命呀！」

「噠噠噠噠.....」

我地聽到腳步聲由遠至近得緊過黎，再係貨櫃周圍渡步，真係有人！希望就係前面！！

Johnny聽到更加瘋狂咁拍打櫃身，用盡氣力咁嗌救命。

經過一輕呼叫，腳步聲慢慢停到我地櫃既門口，外面既人不不停拍向我地個櫃:「心如！心如！！你係咪係入面呀！？」

「係.....阿.....dom呀.....」

我而家先醒起，自己比人綁住果陣傳左sos比阿dom.....佢真係...黎左.....

Johnny聽到我講之後，向住阿dom大叫:「你係阿dom係咪！心如佢流好多血，我求下你快啲搵辦法撬開度門！佢就唔得啦！」

外面阿dom聽到之後，我聽到急切既腳步聲，應該係佢周圍搵緊工具。但成個貨櫃場了無人煙，要搵到開門既工具根本就冇可能.....

過左一陣，我聽到佢跑翻黎既腳步聲，

「你地縮到最角落呀！快啲！我要引爆！」阿dom係出面大嗌，然後johnny即刻拉我坐到最角落，用成個身體抱實我。

過左大根三十秒左右，

「轟！」一陣巨響就係跟前響起，個門鎖位完全穿左個窿。「呀！」一塊爆炸碎片插中johnny手臂，我伸手幫佢拉翻出黎...

係note7既碎片。

櫃門向下慢慢拉開，今次出現係我眼前既，再唔係其他人。

只有阿dom。

係我喪失意識既前一刻，我係矇矓之中見到佢，好似...好似天使咁....散發住白光得行過黎.....再一手

抱起我.....

佢不停叫我...但我已經.....聽唔到佢講野.....我已經.....無力再撐開眼.....

第十五章:靈魂

「今日輪到你翻學，我留係度睇住佢。」

「點解又係我呀，我都話同你女人唔熟，今日你翻啦」

「屌你都話fafa唔係我條女，再講屋都唔比你住。」

呀...頭好痛....個身好好沉重...

我好似....重生存緊...

但係我覺得自己訓左幾個世紀咁耐...

我慢慢張開眼，發現自己係一間陌生既房間入面，係我床邊係johnny同阿dom，兩個唔知拗緊啲咩，但完全冇人理意到我已經醒左。

「屌！你都打橫黎既仆街！」

喂...搵人望下我得唔得呀屌...

「johnny...阿dom...」

完全冇人望過黎。

「屌我都廢是同你講，你鍾意啦！」johnny

講完之後就砰一聲出左門口，隨後阿dom都好嬲咁一野砰門走左。

wtf?! 喂！呢度有個病人呀！

我勉強咁慢慢坐左起身，成個身體消瘦左好多，我個身每郁一下都好唔習慣，好似好耐冇郁過咁。我望下雙腿，大腿位個傷口已經結左條好深既疤。我嘗試落床行幾步，哇，勁唔習慣，大腿既傷口依然係好痛，而且雙腿極度唔靈活，好似唔係好記得點行路咁。好彩隔離有支拐杖，我即刻拎住，一步一步慢慢行出廳。

廳外面有張梳化床，隔離係電腦枱，枱上面一堆lec

notes同零食，成間房都係有人生活過既痕跡。而且梳化隔離重有一堆衣物，男裝女裝都有。

正當我想慢慢行去雪櫃望下有咩食，個門鍾突然響起，嚇一嚇支拐杖都跌埋落地

。我諗起昏迷前恐怖既經歷，即刻打醒十二分精神，畢竟我重未搞清楚呢度係邊度，會唔會又冇人想攞我命。

我小心翼翼咁行去門口，望向防盜眼入面，門外係一個陌生既女人。我即刻警界起上黎，正諗住拎把刀旁下身既時候，個女人嗌:「johnny，你個衰仔係唔係度呀？」

衰仔?? 莫非佢就係johnny既陰陽眼老母?!

我鎖上防盜鍊，慢慢打開一小道門縫望出口。johnny媽見到係我開門，表現十分激動。「心如！你醒左啦！個衰仔！咁大件事都唔同我講哈哈。」企係門口外面既佢，身上發出同johnny一樣耀眼無比既白光，淨係呢點我諗佢應該真係johnny媽。我即刻拉開防盜鍊比伯母入黎。

伯母一入黎就放低一堆百佳買既罐頭，過黎扶我去梳化，再搵張毯鋪住我下半身驚我冷親。佢真係好有我心目中媽媽既感覺。之後佢仲走去切生果，再拎過黎餵我食，可能太耐冇比親人咁樣照顧過，我覺得佢好親切，直頭想叫佢做阿媽。

「唉個衰仔！你醒左咁大件事都唔話我聽！不過都謝天謝地，見你訓左成個月，你知唔知我地全部人幾擔心你...」

成個月？估唔到我竟然昏迷左咁耐....

隨後johnny媽一五一十話翻呢個月既情況比我聽。

原來當日阿dom同johnny將昏迷既我輪流抱住帶翻阿dom屋企，之後再輪流幫我止血消毒同通宵睇住我情況。

johnny驚我既消息如何傳開會對我不利，所有堅持唔可以請外人入黎照顧我，打後果個月就變左johnny，dom同johnny媽輪流睇住我。

「但係...點解我明明係鬼都會昏迷既？」

「傻妹，呢個世界冇鬼，只有靈魂。而家既你，同一個人冇分別。」johnny媽笑住咁摸摸我個頭答

。

「唔明...但阿dom同johnny都睇到我喎..我意思係...真實既我。」

「或者咁講啦。呢個世界根本冇真實既你，你只係一個靈魂，而睇到你靈魂既人，會認得出你係心如·係因為你生前既軀體係呢個樣呢個形狀，所以你肉身死後，靈魂依然跟據住呢個記憶黎組織翻你前一個肉體既形狀。所以你而家先會出現左靈魂同肉體表現唔一致既情況..姐係世人所講鬼上身。」

「原來係咁...所以我而家同一個人冇分別？」

「嗯，衰啲講就係你用人地個身復活左一次。每個人個肉體就好似佢地間屋，靈魂就係住係屋入面既主人。不過你就特別啲，屋入面有兩個靈魂。」

「正常一個人死左，靈魂會自自然然去左一個叫《靈宮》既地方，類似你地啲後生講既刷首抽，重新洗牌，再揀過一個新肉體，新記憶重新做人。」

「至於你點解有bugs冇去到靈宮，可能人間有人招左你翻黎，呢個人好有可能就係因如，不過可能佢未必知你地既身體只能比一個靈魂操控。而且佢都唔會有你既記憶。而家佢化為一個意念沉睡緊，而你就成為左佢。」

伯母都幾潮，又bugs又首抽都唔知係咪連登仔黎。不過佢真係解答到我好多諗唔明既問題，不愧為先天陰陽眼。

「咁我所睇到唔同人冇唔同光係化表咩？」我回想起上次阿dom由白光慢慢變紫，到依家都唔明咩意思。

第十六章: 外圍光

「呢個可能會有少少複雜，我記得我死鬼阿爸話我知，每個人出生既時候都係白光，代表純潔無暇。但隨住佢地成長，每個人開始犯唔同既罪，所以慢慢佢地會開始有屬於自己既光。

七種顏色既光分別代表住七宗罪。順顏色排序分別係 傲慢 (紅), 暴怒(橙), 貪婪(黃), 懶惰(綠), 貪食(青),

色慾(藍)同妒忌(紫)。但你睇到既顏色又未必代表佢得一宗罪，因為顏色會重疊，就好似果個人係綠光可通係犯左色慾加貪婪咁。

至於白光同黑光，有住白光既人少之有少，因為先天白光既人，佢地心境純潔，冇受人世間任何誘惑影響

到自己犯錯，先可以發出潔白無暇既光。而呢種人同時都大機會睇到靈體。另外一種就係我呢種先天陰陽眼，可以話個上天選中既人去處理靈體同人間既事，所以都會有白光。

至於黑光...只有集齊六宗以上既罪，佢地既光先會溝到咁混濁咁黑，呢種人唔少都係罪犯同好易受誘惑而犯錯既人。」

所以...果日阿dom見到我揸住johnny而漸漸變紫既光...代表佢妒忌...? 聽完我會心微笑左一下。冇野比起知道呢件事更加好心情。

我攞住伯母，笑住咁多謝佢話呢件事比我知。佢真係果種勁媽媽既人，比佢和藹可親咁攞住就覺得好母愛既感覺。我而家先諗翻起，出世咁耐都冇比我媽咪咁攞過，點解我親生阿媽竟然係會想殺我。諗起佢個樣，突然間不寒而慄。

「係呢，而家呢度邊度黎，呢個月發生咩事。頭先我先見到阿dom同johnny嗌交...」johnny媽就好似我既人肉google咁，有問必答。

「呢度係阿dom係山頂買既一間房，貪佢夠偏僻得黎又適合養病，最重要係加左好多cctv同感應器係出面，屋出面又有大圍圍住，有陌生人如果偷偷潛入100米範圍內都會係呢間屋入面響。

你訓左唔知咋，你阿媽同細佬係咁搵人私底下查你。我隊靈魂幫你查過，佢地私底下搵晒黑白兩道刮你，包括黑幫，黑警

仲有靈媒都有，可能想發散晒人同鬼去搵你，聽講懸賞有5000萬。前提係生要見人，死要見屍。」

原來伯母仲有自己既靈魂team?!

不過今次死裏逃生，我知佢一定唔會放過我，如果比佢刮到我唔會再咁好彩。我老豆又從來都唔係好理因如，佢連因如幾歲都唔知，所以去左邊佢應該都唔係好理。佢最關心既，只有佢公司。

如果搵唔到証據，單憑我一把口根本徒勞無功。

「所而呢個月都係我個仔同阿dom輪流翻學，輪流睇住你照顧你。不過為左方便夜晚都有人照顧你我個仔就索性住埋係度囉，萬一夜晚有咩事都有人通知聲嘛。」

照顧一個無活動能力既我一個月.....一定唔簡單。仲要佢地又兼顧我又兼顧埋學業，實好辛苦。諗落都唔好意思.....

我行去電腦枱，發現一份打左一半既individuals，一睇啲英文咁爛都估到係johnny。見到成枱lec note又圈又寫晒中文解釋都打到咁，wikipedia都夠膽死落reference....

就送個a+當報答左佢先啦。

就係咁，我打左一個下午，打到咁上下，伯母打點晒所有野就走左，仲話下個星期會再黎睇我。如果佢係我阿媽就好.....

直到6點幾，又有人翻黎。我打打下文聽到鎖匙開門聲。

門口打開，出面企住既係阿dom，佢見到我竟然醒翻坐左係度望住佢，嚇到手上盒飲都跌埋落地。哈哈，正傻瓜，次次佢啲反應都睇到我覺得好可愛。

「心如...你終於醒啦！做咩咁早落床呀！...」佢欣喜若狂咁砰埋門就跑左過黎，點知係衝去房入面先。

「做咩呀你?!」睇到佢啲反應真係笑到氣咳!

「咩呀！我驚我見到你係鬼黎，可能入面你重訓係度咁嘛」阿dom面都紅晒係度死撐，之後突然又衝左過黎係我面前。

一手攬住左我，好實，好實。

「好彩.....真係你.....」

個傻仔無啦啦係度喊.....

「喂！好地地喊咩鬼呀？男人老狗」我都比佢嚇左嚇，無啦啦成個細佬仔咁攬實我喊。

「對唔住呀....我....太開心咋.....你知唔知我果日幾驚.....一路望住個sos一路揸車黎貨櫃碼頭，我發左狂係貨櫃場到跑，好無助.....真係好無助.....」

直到有個細路帶左我去搵你...再之後我見到你成身都係血.....好恐怖.....我以為你會死.....真係好驚....你明唔明

我成世人都未試過咁恐懼。

到而家你竟然醒翻就係我面前，好似以前咁同我講野.....」

話口未完佢又係度喊，喊到收唔到聲，見到佢咁我個心情真係...

我知佢呢個月一定受左唔少折磨。就係咁，我一路攬住佢，一路摸住佢個頭，當佢細路仔咁靜靜安慰佢，比佢將所有痛苦，難過一次過發洩晒出黎。過左成半個鍾佢先收左聲，但係已經成個地下都紙巾，唔講以為打完飛機黎。

安撫完佢心情之後，佢慢慢扶翻我去梳化，自己去洗個面。不過，我硬係覺得我有啲野未做。

係咩呢....頭先阿dom話....

呀！個細路！係個細路！唔知佢會唔會重係個貨櫃場到等緊我同johnny翻去搵佢玩，死啦，都過左成個月，唔知佢會唔會嬲鬼我....

唔得，我一定要快啲去搵翻佢先。最衰我又睇唔到佢啦，一定要帶埋johnny去。

隔左一陣johnny都翻左黎，見到我醒左反而唔係咁驚訝，若無其事咁行入屋。搞錯.....唔係應該比啲反應黎嫁咩...？

雖然...我本來就有期待啲咩。

「我老母頭先話左比我知啦，醒左就好。你呢幾日要快啲開始復健，我地仲有個承諾未兌現嫁。」johnny一邊行入廚房一邊同我講，原來佢都記得個細路。

相反，阿dom完全聽唔明，係咁追住johnny問我地講緊咩，白光又慢慢變翻紫色，點知johnny係都要衰衰格格同佢講:「你幫我做左份individual我咪話你知囉！」

「幫你做左啦柒頭！」

阿dom不解咁望住我，仆街，連johnny都不解咁望住我....

「做咩幫我/佢做？」兩條友異口同聲咁問我。

仆街，做咩幫佢做，點知姐，今次真係難拆過c4。

「點....咩解姐！點咩解呀大佬！唔記得左重點咩解呀？大笨象點解去打仗，打完仗重要食辣椒醬？小皮球點解會係香蕉油呀？個波搽左油可以變猛虎射球咩？

依個世界上好多-野都無得解嫁！」

講完我就嬲住咁行翻入房，好彩首歌真係work，留底佢兩個on99係度。

屌，拜得洪卓立多自然得洪庇佑，聽日真係要燒多兩張金銀衣紙比佢。

第十七章: 抓伊因

過左一個星期既努力，我既身體都復原得七七八八，唔洗用拐杖都行到。
最重點係，呢一個月原來我只係靠管道進食流質營養品吊命，我足足輕左幾十公斤，終於可以行得舒服翻好多。阿dom不愧出身醫覺世家，屋企咩醫療設備都有，都唔明點解佢要on99走去讀business。

就係咁，一星期後既今日，我同johnny去翻當日既貨櫃場。

「記得，所有野越快搞掂越好。畢竟你而家去到邊比人見到都好危險。」

講完，佢比左兩個miniso既盒我，

「入面有兩個叉電器，呢度有兩部note7，記得拎好，必要時拎黎保命。」

接過晒所有野之後，我同johnny一步一步行入貨櫃場。

去搵翻當日令我生不如死既地方。

個貨櫃場真係非常之大，我同johnny揀假日過黎，了無人煙既貨櫃場就好似個巨型迷宮咁，行左入去一陣已經分唔到方向。

「johnny，我方陰陽眼都唔係辦法...我點睇到佢呀？」johnny望望我，考慮左一陣，「或者...我可以暫借住我一半能力比你先既。」

下？陰陽眼都有得出租？

「不過，我本身都係得小小能力，分左一半比你之後，代表我地都只有削弱一半既能力。我地會睇唔到太完整既靈魂，可能淨係睇到薄薄既一層影。」

「咁都好過得一個搵，影都算有，分比我先。」

Johnny聽完我建議都無異議，於是佢合理眼，摸實我個天靈蓋，全神貫注咁傳送能力比我。

「可以啦。」

「下？完左啦？」

成個過程都有兩秒，佢身上既白光已經暗淡左一半。屌咁搵兒戲，唐立言進化都重把炮啲。

我張開眼望向周圍，似乎無咩大變化。

「留意前面。」johnny示意我望向佢既正前方。

冇野呀.....邊度有野呀.....

「200米前方，有個小朋友既靈魂過緊黎。」我集中精神望向前面.....好似.....見到.....一個好稀薄，近翻透明既小鬼影行緊過黎。

隔左一陣，個鬼影越黎越近。直到行到我地面前，我先可以稍為清晰小小咁望見佢個樣。佢望落似6,7歲既細路仔，一頭平頭裝，仲着住件超人tee。

佢望見我地，好興奮咁大叫:「哥哥你終於翻黎啦！等左你好耐啦！快啲開始玩好冇呀？」

好彩...佢好似冇嬲我地咁耐先黎搵佢。

Johnny行埋去摸摸佢個頭，好溫柔咁問:「好啦，弟弟你想捉人定做比人捉呀？」細路聽完之後諗左一陣，話:「之前次次都冇人搵到我...等到我鬼咁悶，今次我決定做捉人果個，你地埋埋！範圍係呢個場入面！」

「我數一百聲之後黎搵你地！一，二...」

哇，屌咁突然既，話黎就黎，一時間都唔知哩係邊。我即刻拉走johnny去左個角落，「喂死啦！我地分開哩定點？點算呀得100秒都唔知去得邊？！」

Johnny笑住咁望我:「睇黎你真係好想玩啲。拿我就想快啲搞掂完走，但又廢是咁無誠意咁啦。一於就遠小小果個角落黎埋埋，快快趣比佢搵到就收工啦。」

係啲，我真係走去咁搵認真玩，on99。於是我同johnny就去遠小小有個貨櫃既角落坐係度，咁喺上面有塊布，就拉左落黎遮住自己。

身為一隻可以自由穿插既靈魂，呢個位相信佢應該廿分鐘就搵到。搞掂到時就翻去食翻個靚lunch訓

個晏覺，正！

過左半個鍾都冇動靜...

唉都係訓陣先。「唉，唔知等到幾時，喂我訓陣先，飯氣攻心。」講完我就攤左係佢大牌訓，軟綿綿好舒服。冇耐我就好安心咁訓着左.....

「咔嚓！」突然間聽到相機聲，警覺性高既我即刻比佢嘈醒左，我拍醒埋同我一樣訓緊既johnny。

「有人！」

我即刻爬起身拉起塊布，見到有個目測米五，着住潮牌jel住起角all

back頭既男人拎住部手機唔知打緊啲咩。我一野追上去扼住佢條頸，再奪命交剪較一野夾佢落地！

「johnny！快！手機！」johnny一野衝上黎搶左部手機，「貨櫃，白滑，野戰，流出，心理時鍾」聽完johnny望住部手機讀我更加火滾！

「就係你啲低質user係度遺害人間！johnny！同我影低佢，打180，jj30cm，中上樣出post！屌！

」

聽完我講個毒撚嚇到瀨屎求我地放過佢，於是我地影低佢再del埋佢啲相，威脅佢敢開post就放佢上去，毒撚拎翻部手機之後喊住咁衝走左。

屌，虛驚一場。望下個電話，

仆街！已經4點啦！？

成5個鍾個細路都未搵到我地。

第十八章: 再次上身

「死啦，佢唔會出事掛？」我望向johnny，大家都面面相覷，冇咩主意。但一舊靈體出事既機會又好細，話晒個細路都係度遊蕩左好耐下。

「咁依家點好？等落去都唔係辦法啫」無奈之下，我地決定搵翻個細佬先算。結果一行又行左成個幾鍾。

「I can't see shit呀captain，咁大個場點搞呀大佬，個天就黑啦」我同johnny都束手無策。

「一係咁啦，我地上貨櫃頂搵，易啲望晒個場」之後johnny踩住我膊頭爬上櫃頂望左陣，「我見到佢啦，係我地正前方，穿過兩個貨櫃就到啦」

之後我地即刻穿過貨櫃，終於，見到佢係其中一個貨櫃邊左望右望。

「細路！過左咁耐都搵唔到我地，今場哥哥贏左啫。」個細路望見我地之後，好唔忿氣咁扁嘴，我即刻摸下佢個頭問：「拿，遊戲我地陪你玩左，你要乖乖地翻去你要去既地方啦。」

「姐姐...但係我媽咪重等緊我翻去食飯...」個細路扁住嘴咁問我：「我好想...可以食多次媽咪煮既飯...我好掛住媽咪...」講完佢就蹲左係度喊。見到佢可憐兮兮咁，我同johnny都唔知點處理好。

「哥哥...你幫下我好冇？我好想...見多次我媽咪...一次我就滿足啦...想聽見佢鬧我玩到咁遲翻黎...再笑住咁叫我洗手食飯...」見到一個七歲細路係自己面前喊到咁，johnny作為一個有血有肉既人，忍唔住答應左佢。

「多謝你呀哥哥！」

話口未完，個細路就消失左。

去左邊？

「姐姐。」我望向隔離，即刻打左個突。

johnny天真爛漫咁露出興奮既笑容，再拖實我隻手，「姐姐！再唔快啲翻去媽咪會鬧人嫁啦！」哇屌！個細路都有話會上身既，今次麻煩啦。

我唔可以太拋頭露面，重要帶咁大個johnny周圍行，佢而家啲行為係外人黎睇似咁似智障，實好惹人留意嫁啫。

「姐姐...我想問你呢...」johnny細細聲係我耳邊講：「果邊停左好多車呀...佢地黎做咩嘍？」

我聽到個心沉左一沉...唔會真係咁易奶野掛...我踮高腳踭望望貨櫃碼頭外圍，見到比較遠既既高地真係停左幾架車，同大概10幾個人同時間落車行緊過黎。

仆街！頭先就唔應該放走個毒撻！九成係過黎捉我再拎錢既人。

死啦，johnny而家又咁樣，變相咪得翻我一個？佢地行過黎都唔洗廿分鐘，如果刮到我就真係必死無疑。

我即刻wtsapp阿dom叫佢過黎，雖然佢過黎應該都成個鍾.....死啦.....呢一個鍾入面，應該哩係邊...我個腦混亂到諗唔到野，我諗起上一次既經歷...我真係唔想試多次...

「姐姐...你做咩咁驚？」johnny搖住我隻手問。

「johnny.....呀唔係，弟弟，我地同佢地玩多場捉伊因好冇？你帶我去哩埋先，贏左我再帶你去搵媽咪！」

Johnny好開心咁點頭，然後拉住我隻手開始行。

今次...靠你啦，永遠冇人搵到你既細路。

johnny拉住我一直行，一直行，佢越行得耐我就越焦急...

「你想帶我去邊呀？」

果頭講完，佢就停低左係一個表面沾有小小紅色油漆既貨櫃前面。之後佢神神祕祕咁踮高腳拉開個鎖，竟然拉左度門落黎！

「我以前係度玩果陣，傑傑同我講話呢個紅色油漆既貨櫃個鎖係壞嫁，我地成日騎膊馬上去開左佢哩入去！秘密基地黎！唔準同人講呀！」johnny神神祕祕咁笑住係我耳邊講完，再拉住我爬入去。

雖然我唔知邊撻個係傑傑，不過我都好感激佢，真係要嗌佢一聲傑哥。

人仔細細但對個貨櫃場比大人重要熟，幾千個貨櫃都可以記得呢個貨櫃係邊。

之後我地就關埋貨櫃門，捱住啲貨坐左係度。johnny望住啲貨好奇咁問我：「姐姐，呢啲紅色罐罐咩黎嫁？」問完就好調皮咁攤左係我大牌度望住我。我笑住咁摸摸佢柔軟既頭髮，同佢講：「呢啲呢就叫做嘉頓雜餅，五餅二魚既奇跡就係呢個罐度發生嫁啦..」

佢聽完好興奮咁要我講關於五餅二魚既故仔，見佢咁得意，我就慢慢細細聲咁講比佢聽.....

「就係咁，呢罐雜餅足足填飽左五萬人既肚....」講完我就發現，johnny已經係我大牌度好安心咁訓着左。

從來都未試過咁近望佢訓着個樣，其實佢乖乖地咁好似小朋友既樣，真係有種反差萌，幾可愛。而家佢乖乖地訓着，只要靜靜等阿dom黎，或者我地可以安全出翻去。

第十九章:生菜排骨

就係咁，我同johnny就靜靜坐左係度等運到，而家我比頭先淡定翻好多，畢竟個貨櫃場咁大，要搵到我地係呢個櫃入面絕對唔容易。

我拎起電話望望，阿dom話重有半個鍾就到。我而家反而擔心佢單人匹馬過黎會唔會出事。

「噠噠.....噠噠.....」我聽到有腳步聲，由遠至近行緊過黎....

我完全氣都唔敢抖，成個櫃靜到聽到自己快過摩打既心跳聲。始終敵人係咁近，唔驚就假....

只要有1%既破綻，我就係咁先。

「噠噠噠噠..」聽腳步聲似係有兩個人，行到我呢個貨櫃面前停左。

我閉氣閉到就窒息...手心不停出汗.....

快....

啲....

走.....

外面既人停留左一陣之後，又響翻起噠噠聲。

太好啦，快啲走啦我就黎透唔到氣.....

「咕.....」

.....

.....

.....

打鼓聲係johnny個肚傳左出黎。

你又點估到佢咁細個人仔，可以打個鼓打到行雷咁響呢。

如我所料，貨櫃門慢慢向下拉開....

我拎起我部note7，準備同佢地攞炒。

門拉開左之後，企係門外面既，只有兩個mk仔，望落成舊排骨咁，留埋啲泡菜仔頭顯得更加柒。

出乎我意料，佢地冇大嗌其他人過黎，見到我之後反而爬埋入黎好有禮貌咁關翻好道門。

「唔該..」

我屌習慣左我重係度唔該佢，傻撚左，而家啲mk仔又會咁好手尾幫人關翻好度門。喂咪住！而家咩情況？？唔係過黎捉我咩，比小小火黎好冇呀？

兩條mk仔而家先慢手慢腳咁係個後袋度拎把刀出黎指住我地。我唯有攞實johnny，睇下佢地想點先。

「生菜，條女係我發現佢先嫁，一係你拎埋條仔去問下魚肉哥計唔計囉！」

「排骨，你唔好玩啦，大佬話左條女先有錢收嫁，我呢排手緊呀你讓比我啦！」

「屌，黎得呢度邊個唔手緊呀！女就得一條，我唔似你呀，我份有人goal嫁，我應承過條女遲早買海之戀比佢住咖！」

哦...我估2條mk應該係想偷偷爭我拎5000萬...唔怪得唔敢大叫驚比人截糊。

「屌，你地一人分2500萬咩戀野都買到啦。」

生菜排骨聽完我講之後，呆左咁望住我。

「咩野2500萬？」佢地不解咁追問我。

下？屌？你地捉人都唔撚做好啲功課既？

「下？你地唔係捉我拎錢咩？」

唔知阿生菜定排骨好自豪咁答我:「係呀，大佬今朝做比左廿蚊我地去唱k，之後話有大茶飯益我地啲。所以我地咪黎貨櫃搵人囉！你知唔知出面幾多人刮緊你呀！大佬話邊個刮到你既話，

就獎五舊水呀！魚肉哥從來都未試過咁豪爽嫁！」

哇屌個魚肉食水咁撚深？！五舊水仲想

買海之戀？花之戀都唔撚夠啦！

既然係咁...

睇黎可以好好利用下呢對生菜排骨...

第二十章: 收賣

「不如咁，我地大家做個交易？」

我試探下佢地，點知個金毛mk好堅定咁答我:「我生菜係唔會出賣我大佬」

排骨聽到都好堅定咁望住我:「我同大佬出生入死，點會比你個八婆講兩句就出賣佢！」

「10萬。」

佢地個聽到10萬嚇到呆左，眼神開始唔堅定...但重係度支支吾吾係死撐話唔會出賣大佬。

「9萬。」

我要比佢知道，邊個係大佬。

佢兩個顯然聽到數字跌開始急躁，你眼望我眼咁。

「8萬。」

生菜開始緊張，想拋我翻轉頭:「喂比啲時間我地都得掛，信唔信我地篤你出去..」

「好呀，去吖。」

我知佢地一定唔會。捉我出去拎五舊水定當我長期飯票攞錢，明眼人都識揀。

聽到我咁答，排骨已經即刻跪左係我面前:「我鄭偉言而家發誓絕對唔會出賣你！大佬！」

哦，原來有名既，偉言咪幾好叫自己做排骨都on99。你喺喺咪出賣左你大佬囉重發誓，人唔笑狗都吠。

生菜見到都驚執輸，放低佢啲咩春情義，拜左我做大佬。而家多左兩個幫手，我都有翻啲勝算。

呢個時候，阿dom whatsapp我話到左貨櫃場。

啱啱好。

場仗而家先開始。

「姐姐...而家幾點呀...好肚餓呀」johnny終於訓醒，真係唔明點解咁多人入左黎佢都可以訓到死豬咁。

我摸摸佢個頭，輕輕咁同佢講:「乖乖，姐姐而家帶你出去，呢兩個哥哥搵到我地，遊戲玩完啦。之後乖乖跟住姐姐，我就帶埋你去見媽媽好冇？」johnny聽到我話有人搵到佢，開心手無足蹈:「終於...有人搵到我..」

偉言同生菜見到牛高馬大既johnny流露出細路既行為明顯嚇左嚇，我唯有求其話佢係智障蒙混左過去。

之後我分別比左個計劃同指示佢兩個，再whatsapp阿dom我既計劃同佢既行動。一切安排好晒，我地就開貨櫃門，兵分三路行左出去。

一出到去，發現個天已經黑晒，都算有利我地計劃。偉言一出去就聽我吩咐，一直向左邊貨櫃狂跑，跑到咁上下就聽到佢發出:「見到你啦！重跑！」既聲，把聲係人跡罕至既貨櫃碼頭顯得更加響亮，相信已經引走唔少人跟住佢把聲跑。

生菜就即刻往相反方向跑出貨櫃碼頭，一直跑到離貨櫃碼頭二三百米遠再停左落黎等我指示。

good job！跟住落黎，就要靠我自己。

我好凝重咁望實johnny，同佢講:

無論發生咩事，都一定要捉實我，千其唔好放手。

johnny好聽話咁點點頭，我緊緊拖實佢隻手，然後死命咁向碼頭岸邊衝過去！

冇得再翻轉頭！

既然個天要比多次機會，

我點都唔會比自己再死！

第二十一章: 妒忌

我拉住johnny到碼頭邊，望見阿dom已經就緒，係時候啦！

我舉住大字形既手勢，示意生菜可以做野。

「轟！」一陣爆炸聲隨即出現，生菜跟前一百米已經火光熊熊。

屌，等我仲有一秒擔心佢唔爆，估唔到濕水note7配淘寶叉電真係萬試萬靈。

爆炸聲吸引左所有人既注意，趁機會阿dom揸住架快艇沖過黎埋岸，我同johnny一見倒即刻跑上快艇。

「咁！」johnny跑得太急一野仆左落舊石度，個額頭穿左，不停流血，但佢都死忍住一聲不吭咁企起身拖實我。

「細佬！頂住呀！差小小就到嫁啦！」我即刻拉實佢，出盡力將佢拉上船。

阿dom見到我地上左船，即刻火速加油駛隻船出海。

「嘎.....嘎...」我拉住johnny坐係地下回氣，我即刻趴過去，揭開佢額頭既頭髮幫佢檢查傷口。

「陰公...痛唔痛呀細佬？你真係好叻撐到而家又唔叫又唔喊...」我心疼咁摸摸佢個頭，希望比翻啲安全感佢。

「男人老狗嗌咩鬼姐..」

?!

?!!

未住?! 點解個tone變翻johnny嫁!?

姐係話我而家拖實再貼到鼻尖咁埋檢查傷口果個，係johnny?

「哇屌！你...幾時變翻翻黎嫁？咁你仲拖實我？仲細呀家下?!」

點知佢竟然學個細佬咁扁扁嘴望住我，

「又係你話，無論咩事都唔好放手既...對個細路就咁溫柔，對我就咁巴渣...好歹我而家都算係個病人..」

頂...唔知點解，佢啲反差萌又出左黎...屌，實係比個細路影響左，搞到我開始思覺失調。

「未住...咁個細路呢？佢幾時走嫁？」

「係咪有人搵到佢呀？」

我諗翻起.....係啲！佢見到生菜同偉言果陣，開心到係拍手....

「如果佢完成左最大既心願，應該就翻左去靈宮啦。」

你又點會諗到...一個細路對場遊戲既執着，重大於翻去見佢老母。

正當我安心咁坐翻底好好抖下既時候，

我突然感受到....

背後有好大片紫色既氣場.....

「心如，你冇事吖嘛？冇冇邊度受傷呀？」阿dom急步行過黎，跪係我面前細心咁檢查我既傷口。

我即刻鬆開johnny，唔洗問咁大片紫色都知佢見到我地頭先咁樣。屌，真係1比99都洗唔清。

阿dom一臉溫柔咁幫我手肘擦傷左既傷口用藥水清毒，再慢慢貼上膠布，身上既紫光漸漸變翻白色。

Johnny見到不屑咁插口：「大佬呀，佢鼻屎咁細個傷口慢慢搞都未遲啦，你見唔見到我個頭呀？urgent呀！」

講完我望過去，先發覺佢個頭重不停流緊血。

佢咁講完我同阿dom都必一聲笑左出黎，頭先尷尬既氣氛都算係一掃而空。

就係咁，我地之後就三個一齊安全翻翻山頂間屋。經過今次件事，我知道。

我唔可以再坐以待斃。

今次，我要先下手為強。

要對付媽咪同杏子，理香姨確實係關鍵。

但要搵到佢地收埋左理香姨係邊，絕對唔容易。對上一次我發現左佢地既秘密，今次佢地一定將佢收得更密。

但要知道真相，理香姨係唯一既希望。

呢個星期，我開始安排唔同行動比生菜同偉言，佢地兩個係而家唯一幫到我係出面收集情報既人。佢地見到我過比佢地戶口啲錢之後，都開始聽話過隻狗，無論安排佢地做咩都辦得妥妥當當。偉言相比起生菜更加醒目又做到野，每隔一日就會有啲新料比我。

「大佬，今日我聽你講左有問魚肉哥，係邊個指使佢刮你，不過佢死都唔肯講，仲攞左我一巴話我多事...」睇黎要個咁細粒既去收料真係唔簡單，佢地舊魚肉都唔係蠢，點會咁易放料比佢地。

「不過...我打聽到今晚魚肉哥有約...其實我地啲細既都知，魚肉哥一直比人包起左咖...佢死要面唔認姐...」

雖然魚肉比邊個包起唔關我事，不過八卦野我又唔介意聽既。

「個富婆好神秘嫁，成日同佢入麗晶大賓館開房，貪果度夠僻冇其他富婆撞到掛。重要次次都係303，啲兄弟爆房都撞過幾次啦！聽講個富婆有老公嫁啦，但係都照偷食。唉，其實佢肯包我我都ok嫁...」

話口未完佢就wtsapp左張好嘍既偷拍照比我。

.....

呢個背影.....我望到化左灰都認得。

相入面，媽咪好風騷咁攞住一個健碩既男人行出賓館。

「good job!!!偉言，等陣過多5皮獎你，以後比心機繼續幫我擺料！」

yes！真係得來全不費功夫，等我重以為魚肉只係其中一個收指令做野既二打六，點知原來係媽咪隻鴨！成件事即刻有晒方向！

我即刻好開心咁嗌做緊assignment 既johnny:「johnny！今晚我地去開房！」

.....

仆街，我有種不祥預感。

有團好大既紫色怨氣係我後面...係啲...一時開心得濟唔記得阿dom係我隔離.....

「唔係呀呀dom...我地開房係做正經野...你都聽到偉言講咖啦...」仆街，佢唔會當我係扑埋重係朋友果種人掛....

「我知道。但點解唔搵我去？我都可以去嫁。」

「咁你同johnny去我驚...個reception唔知比唔比基佬入咩嘛....」

「我係問緊你，點解唔搵我同你開房？」

仆街，越聽啲對話越擦奇怪。

「係咪你有左johnny，你就唔洗再同我拍檔？一開始唔係我地兩個拍得好好咩？點解多左佢取代我？」

定你覺得我唔及佢好？」

我呆左唔識反應。

我有諗過，原來佢會介意。

阿dom見我有回應，就默默咁行出門口，

冇再翻過黎。

第二十二章: 賓館

我呆住左企係屋，過左陣先反應到....成件事發生得太突然....

死啦....阿dom自己一個出去會唔會出事嫁...

我即刻打比阿dom，但係佢連電話都熄埋。之後我不斷send message比佢，換黎既只有一列既單剔。

我真係好擔心佢有事...始終係我搞到佢咁唔開心...

「我出去搵佢。」正當我諗住開門出去果時，johnny拉住左我。

「唔好玩啦我真係要去搵佢！」我一手甩開johnny捉住我隻手，執意要行出呢個門口。點知，佢一野抱起左我。

冇錯，佢真係一下公主抱起我，我完全反應唔切咁望住佢。

「我同你講，你出去追去等於害佢。」

我不解咁望住佢，咁講係咩意思？

「真正鍾意一個人，係要訓練自己，變成一個有膊頭，有腰骨既男人，咁先可以保護自己愛既女人。我所講既磨練，唔單止生理上，更重要係心理上既磨練。

真正經過磨練既人，身上既光係唔會白色嫁，你有冇諗過佢成廿歲人都重係白光好奇怪嫁咩？一個人廿年都冇經歷過真正既痛苦，又點可以成長？

如果佢真係鍾意人，就應該堂堂正正咁去爭取。而唔係每一次都好似細路咁，只要發脾氣就得到想要既野」

Johnny....

雖然佢平時睇落對生活好唔care，但原來骨子裡對自己做人既原則有一份執着。

佢雖然窮過，賤過，甚至做過鴨，呢啲都係世人唔願承受既痛苦。但佢總係可以硬住頭皮咁，去面對一切痛苦。

「如果你追翻佢，我會覺得你侮辱緊男人呢個名。但你而家重要堅持既話，我唔會阻止你。」講完之後，佢慢慢放低我，然後又行翻埋位打assignment。

呢個男人真係.....

令人又愛又恨。直至夜晚六點，阿dom依然冇覆過我，

其實比johnny點一點醒，回想翻先發覺我一直都當阿dom小朋友咁看待佢，保護佢，一直都小心翼翼咁唔比佢受傷害。

而每一次佢選擇離開我既時候，又有冇一刻諗過，咁樣係會傷害到我。

直至佢呢一刻都冇考慮過，去搵翻我溝通，解決件事。無論係對我既感覺，抑或以前對fafa既愛慕，一切一切，佢都選擇逃避，而唔係盡力去爭取想要既野。

我個心確實對阿dom有失望既感覺。

係咪我以前鍾意得太盲目，一直無止境咁保護佢....先令到佢無辦法成為一個真正既男人？

「係時候出發啦。」johnny提一提我先醒起媽咪同魚肉會7點係賓館見面，一直掛住諗阿dom件事搞我都失晒神。

「唉，睇下你成個慈母咁。佢走左幾個鍾咋，成廿歲人會有咩事。如果佢連呢種打擊都頂唔到，你真係可以唔洗再考慮呢個人。」johnny講完已經落左去攞車。

佢講得唔係冇道理...我再心軟只會害左佢。或者，我應該比啲信心信佢可以獨自面對。

而家最重要既係專注翻魚肉單野。如果再感情用事落去，真係會好易出事。

我深呼吸左一下，收拾好個人情緒。細心咁整理好假髮同口罩，預備迎接下一場仗。

6點半我地已經到左麗晶大賓館。繼今次已經係第二次同johnny入黎，一行入去又係個如花reception。

johnny望見佢似乎有啲尷尬...我先諗起上次我鎖住佢係床就走左...果陣應該係如花入房救佢。如花見到佢重笑笑口叫佢今次唔好玩咁激，搞到我都諗翻起都唔好意思....

我同johnny偷偷貼左個微型偷聽器係303既門底道。佢個門底同門檻個空隙都算寬，有心望實望到入面既精彩畫面。

之後我地就急急腳入左304房，set好晒監聽器，等待獵物出現。

離佢地至既是間重有半個鍾，我同johnny坐係床度等。張床好軟好舒服，我忍唔住攤左條度，同一但地方，同一個人，搞到我又回想翻翻起上次件事...

「上次....sorry呀。」

「都話上次係黐你冇比錢。放心啲，我從來都唔覺得賺錢係容易既事。」

johnny若有所思咁沉默左一陣，「其實你唔係我第一個客，亦都唔係最過分果個。」

「重有...更過分？」

Johnny猶豫左一陣，最後都講左出黎。

「有一次有個客加錢要我扮狗吠，再用皮鞭打我。果次，我真係覺得，我連一隻狗都不如。我以前係果種好愛面，好唔輸得果種人黎。

但自從我見到老豆老母跪係收數佬面前，喊住咁攞實佢地隻腳求佢地比多小小時間佢地籌錢果陣，我先知我果啲面係幾咁唔值錢，幾咁無謂。

連你愛既人都保護唔到，留個面黎又有咩作用？扮狗扮豬可以換黎屋企一絲既安穩，扮下又何妨？」

雖然佢笑笑口好輕鬆咁講，但佢既眼神透露出生活既無奈同痛苦。

究竟要幾愛一個人，先可以承受到呢種悲痛？相比之下，我果種所謂既愛根本微不足道。

望住佢既背影，唔知點解，我覺得，成個人比佢既寂寞感染左。

我不自覺咁，從後熊抱住佢，我好想比知道，有我係度，你唔會再一個人面對所有野。

Johnny擰左過黎，雙眼通紅咁望住我。

我望住佢雙眼，開始覺得...有小小...不能自拔....呼吸唔到既感覺...

佢突然將塊面貼過黎，毫無預兆呆咁錫左落黎..佢條脷慢慢咁伸左入黎，係我口入面瘋狂咁四處遊走。

我地互相擁抱，激吻，彷彿世間上所有事剎那間都變得微不足道。我個心因為佢，跳得好快.....好快...

..
佢慢慢錫落去我耳邊，溫柔咁對我講:

「醒啦柒頭！」

我即刻張開眼，見到johnny係床邊一邊戴偷聽器一邊望住我。

「塊面紅到咁？發春夢黎呀？真係成隻豬黎聽左我講一陣野就訓到死豬咁..」

哇屌！

我摸摸自己，流到成面口水！

我望見johnny即刻尷尬到飛起！頭先咩事？撞邪呀！？痴擦線發埋啲咩春夢！

冷靜啲先，佢唔知道...冇人知我發春夢既.....冇人知道.....

....佢永遠都唔會知我個夢，冇事...冷靜冷靜...一定係大腦出錯.....根本冇人知，唔洗驚...一定係因如.....

....因如個大腦係鍾意johnny先搞到我出現呢啲畫面....唔關我事...色即是空....空即是色.....

第二十三章:激情

「喂，快啲過黎，你媽咪同魚肉啱啱入左去。」

我即刻戴上無線耳機，準備偷聽入面既情況。

入面既傳出小小開水聲，估計媽咪同魚肉應該一齊浸浴，鴛鴦戲水緊。

過左陣聽到媽咪既嘻笑聲，聽落係同魚肉沖完行左出黎。

「阿媚，你真係...越黎越正....」話口未完就聽到啲口水交纏既聲，應該係打緊茄輪。

但一諗起裏面係自己老母果樣，即刻覺得成件事好嘔心。

我望望johnny，發現佢偷偷地拉緊件衫。

仆街，佢竟然扯左。呢條友究竟有幾重口味？

冇幾耐，耳機就傳黎大戰緊既咁咁聲，媽咪一路嗌到剁豬咁，唔洗耳機隔住牆都聽到。呢度啲隔音真係差到漏油，連305房既情侶呻吟聲都聽到。

「呀！...快啲呀！你.....真係.....呀.....好.....勁！」媽咪已經比魚肉抽插到野都講唔到，咁咁聲越黎越快，越黎越勁，搞左成差唔多廿分鐘先聽到魚肉高潮既呻吟聲，媽咪剁豬咁既叫聲都靜左落黎。估唔到個魚肉咁持久，唔怪得媽咪要包佢。

「嘎...嘎.....你真係好叻豬.....」

之後仲聽到幾下打茄輪聲，個房先正式靜左落黎。

「媚，我都話左我邊方面都勁嫁啦。仲有呀，我琴日聽左你吩咐去永成大廈幫佢打針，不過佢真係呆到見到我都可以完全冇反應。你究竟落幾重藥落去...」

邊個佢？莫非係理香姨？

「鬼叫佢前幾日發神經，一野抓落黎我皮都損。唔洗受翻啲懲罰咩？你睇下人地隻白滑手手比佢搞到有傷口，幾核突...」

「慘慘！我聽日幫你過去同佢咁多支針，教訓下佢蝦我地媚媚。」

哇屌你老母，諗起入面兩件成百幾歲係度講呢啲，真係好撻核突。

聽到呢度，都有啲眉目，睇黎聽日要去一趟永成大廈，可能有機會搵到理香姨。我望一望johnny示意佢可以放低耳機走人，點知聽到媽咪同魚肉講：

「魚魚...你覺唔覺得304有啲奇怪？我地入左黎成粒鍾，隔離都完全冇聲既？明明302啲叫聲我地都聽得一清二楚。」

我即刻緊張咁望住johnny....係嗰....呢度啲隔音咁差，我地一啲叫聲都冇真係好惹人懷疑.....

「你知我份人小心嫁啦...次次我都會確認下302同304有冇人嫁，今日佢明明話兩邊都有人租左，但聽唔到聲我有啲擔心，會唔會比人跟蹤...」

「傻豬...之前你都試過啦，結果我去人地房門隙裝先發現人地做得含蓄啲姐，你估個個好似你叫得又大聲又好聽咩...」

「我唔理，小心駛得萬年船，我而家好唔安心。」

「係啦係啦...我而家偷偷地裝下好未？傻豬黎。」

死啦.....比佢裝到我地偷聽就玩撻完。

耳機已經傳出魚肉着緊衫褲既聲.....點算好.....

「johnny!!!點算好！呢度3樓姐，一係我地跳窗算！」我完全慌晒手腳，開始衝過去開窗。

「喂！你唔好唔痴線啦呢度跳落去唔攤都斷幾條骨啦！加上咁樣咪只會打草驚蛇！我地做翻開房要做既野咪冇事囉！」

「下...咁突發...我未ready嗰...」

「唔ready都要ready！」

話口未完佢就一野除左自己件tee同皮帶，一野露幾舊腹肌出黎。之後就一野除左我件上衣，得翻個bra比我着住。

「屌，唔好成碌木咁啦咩都見過晒啦，快撻啲同我將啲衫亂晒咁放落地下，順手扯半張被落地。」

反而佢成個人非常冷靜，冇一絲既猶豫就開始做野。屌，而家咁危急我重係度扭扭擰擰真係on99，好彩有johnny臨危不亂。

之後johnny扯左我入沖涼房，再關埋門，然後瘋狂吱啲視液落手度。

「下？係度做呀...得視液得唔得嫁...」得咁少潤滑會唔會痛死.....

「做你老母咩而家咁既情況我都扯唔起啦！食下腦得唔得呀？！」

耳機已經傳黎魚肉行出房門既聲。

「佢出黎啦，叫啦你！」之後佢開始用隻手發出啲啲聲，加左視液啲聲特別似，係啲！邊個話要真做！比個假象佢咪得囉！

「呀.....Um....呀」

「我屌你比啲掙扎得唔得呀！叫完好似冇叫咁！加啲喘氣聲，銷魂小小啦！」

屌...真係好撻尷尬，冇啦啦要係佢面前淫叫...但唔叫又...我唔想再比人捅多次大牌...

「呀.....呀.....」我開始盡量扮上原亞衣咁嗌得銷魂啲，越嗌越大聲。出面既人聽到應該會覺得浴室入面絕對係激戰緊。

實際上只係兩條友木無表情咁坐係度拍手同嗌。

嗌左都大概成2,3分鐘，都仲未聽到魚肉翻翻去房既關門聲。九成係未見到人重未放心得落。

「shu...我地係時後出去埋尾。」

johnny停止左拍手聲，同時示意我唔洗再叫。

佢故意好大力打開浴室門，再攞住咁推我出去，確保魚肉睇唔到我正面。

之後佢一野擦左我落地下，再成個人跪係我上面，上半身壓住左我。

「bb，我就係鍾意你怕怕醜唔敢叫咁大聲個樣」佢故意提高聲量比魚肉聽。但係都重係未聽到佢入房既聲。

「不如..執多劑好冇...」

講完johnny就用手擦我，一野錫左落黎。

今次.....好似唔係..發緊夢。

我確確實實聽到佢每一下既呼吸聲，甚至佢每寸肌膚，體溫，我都清清楚楚感受到...

佢粗暴而橫蠻咁瘋狂錫我...重慢慢....伸左條脷入黎，一下，又一下係我個口度肆意遊走。

我就好似比佢睇上既獵物咁，任佢魚肉，唔識反應....

我淨係知，佢個唇好軟....每一下都好似食緊棉花糖咁.....

...佢個身好溫暖.....

我個心臟已經就跳到每秒200下...

呢一刻...個世界好似得翻我地兩個咁.....就好似...我.....已經....無法思考.....

慢慢....我已經唔知同佢錫左幾耐....好似呢個空間已經唔存在住時間咁.....

我地似乎已經忘記左本來係度既目的.....

Johnny擦住我既手慢慢變到攞住我條腰，個嘴唇一直冇離開過我。

我完全浸淫左係佢既溫柔鄉入面，成個靈魂已經比佢填滿左。我開始攞翻住佢，將佢反壓翻落地下，一直肆意妄為咁錫佢。呢一刻，我感受到我既心跳，靈魂就好似比左佢咁，耳邊彷彿響起無數情歌，記錄底我地兩人既激情。

就係咁，我已經唔知同佢錫左幾耐。直到如花打電話叫我地退房，我先發現....

原來我地已經錫左2個鍾。

早係一個鍾前媽咪同魚肉已經一早退房走左，偉言講過佢地每次開房只會買1個鍾。

激情過後，我同johnny都坐左係地下，沉默左落黎。之後我地冇講過一句野，默默咁着翻啲衫就落左去退房。

一路上我地都好靜默，但我個心早已經有一大堆問題...究竟佢係一時衝動定點.....定佢鍾意因如先錫我？定係佢之後會諗住扮無野？我真係冇辦法扮無事咁落去...我做唔到...

「johnny,我..」正當我要問清楚既時候，我見到佢合理眼，身上既黃光漸漸變做白光。

「你唔會係我一生最愛。」

佢堅定咁行上前，拖實左我。

「仲記唔記得我講過，牧村實方同真島一齊到，所以佢先成為左真島既最愛。

陳心如，我唔想做你最愛。

我可唔可以成為你第二愛既人？」

我笑住點點頭，拖實佢隻手。

無論發生咩事都好，我都要成為你既第二位。

第二十四章: 先下手為強

「今晚開始去我屋企。」johnny突然咁問我，我呆左咁望住佢。

「我唔鍾意我女人住係其他男人屋企。」

我笑住咁望住佢，我好鍾意睇佢霸道個樣。

就係咁，我地翻翻去阿dom間屋執好我地既野之後，就出發去johnny屋企。我望一望電話，阿dom依然冇覆過我任何msg。

我唯有寫張紙條放係枱，就同johnny走左。

直至我去到johnny屋企，我先發覺佢屋企都唔算細，有成500呎左右。而且佢間房有大量既電子設備，枱上面有唔少我見都未見過既電子野。

「自從你比左資金我地屋企之後，老豆公司又去翻以前咁蒸蒸日上。因為你，我地先保得住間屋，如果唔係我地應該訓街都似。」

「你屋企人呢？」

「老豆上左新加坡傾生意，我老母一個人睇住公司，所以好多時候佢都係公司訓就算，好少翻黎。放心啫，你係我地屋企恩人黎，歡迎你都黎唔切啦。」佢摸摸我個頭笑住咁同我講。

呢度比我感覺，好溫馨，好有屋企既感覺。

搞掂晒所有野，我地開始計劃聽日去永成大廈既事。

我打比偉言，佢已經收到風魚肉聽日12點幾會有野做，預計佢呢段時間應該就係去永成大廈。

「johnny，如果入面果個真係理香姨...今次要救佢唔容易...你知上一次個結局幾恐怖...」我摸摸大腿條傷痕，呢段始終係我呢世人最恐怖既回憶。

Johnny 摸摸我個頭，好有信心同我講：

「放心，我已經計劃好，你聽我講就得。

而呢一條傷痕，

我絕對會加倍奉還。」

第二朝，我同johnny一早揸車去永成大廈。今次我地身上比起上次多左更加多裝備，有幾樣係johnny自己研發出黎。

唔係講笑，琴晚我先知johnny一直好鍾意研究啲新奇既科學野，不過係為左繼承佢老豆公司先讀business。琴晚我見到佢房入面有唔同既電子野同機就係佢平時研究既地方。

「嘩，呢枝叫做古惑的筆，表面佢係一支筆，實際上佢係支電槍，作為武器完全唔

起眼而且殺傷力大。

呢把就係很古惑的刀，

表面上拉開係刀。

但其實拉開佢個假刀柄，

佢重係一把刀。」

聽完佢講解之後，我地準備好武器既同時，亦都見到魚肉已經係轉角位出現，準備行人入永成大廈。

魚肉手上拎住個公文袋，鬼鬼崇崇咁四圍張望，確保冇人跟蹤之後，就入左大廈入面搵。

「3樓。」johnny望到個樓層之後，同我即刻去後樓梯跑上3樓。推開防煙門，就見到3d室既門啱啱好關上左。

「心如，準備好未？」

我點一點頭。之後我就照計劃拎起johnny自製既煙霧彈，分別向2樓同3樓都放左一個，但個煙霧彈放既只係一啲普通粉末，所以煙霧維持既時間會比較短。

而johnny就負責係3樓既垃圾房點火，無幾耐3樓已經轉出好大陣煙味。

之後我即刻敲響個警鐘，全棟大廈即時進入左戒備狀態。唔少人係單位入面跑出黎，見到成個走廊都

煙，又聞到煙味，都驚到大嗌火燭，引到其他單位既人都跑晒出黎湧入後樓梯。
我同johnny即刻扮晒野疏散人流，啲人掛住逃生完全正眼都冇望過我地就衝走左。
但3d室既依然緊閉。

呢個時候3樓單位既人幾乎走晒。我同johnny急急腳跑到3d既門口，等魚肉出黎，但點知過左成分鐘都冇動靜...

Johnny打左個眼色比我，我即刻拎左啲報紙出黎，再係佢門口點着...一陣陣煙慢慢傳入3d室。
「咔嚓。」

有人開緊門鎖。

我同johnny 即刻處於戒備狀態。

魚肉慢慢打開門隙，鬼鬼祟祟咁伸個頭出黎望。

「係機會！」

Johnny一野將支電筆捅落魚肉條頸度，魚肉即刻暈左係地下。哇，支筆真係有翻咁上下....

我同johnny即刻打開門，衝左入去。

入面真係理香姨！

「理香姨！我係因如呀！認唔認得我？」

理香姨迷迷糊糊咁望住我，完全冇反應。睇黎魚肉應該同佢咁左針黎。

Johnny二話不說一野搵起佢，準備衝去後樓梯走既時候，開始聽到唔少警車聲。

「走，快啲！去樓梯！」我同johnny即刻衝落樓梯，垃圾房既火勢越黎越大，成條後樓梯都充滿濃煙。一路跑到落地下已經咳到不似人型，個頭都已經暈暈地。

落到去我同johnny即刻衝去後門入巷仔，再兜翻去架車度揸車走人。

「嘎...嘎...」我一路渣車一路回氣，後面既理香姨依然係木無表情係望住我地，完全冇反應。johnny一直幫佢擦汗，又餵佢飲左兩啖水...但佢都係完全冇反應...

「死啦..理香姨可能真係打得太多鎮定劑搞到咁...而家佢連我都好似唔認得....點會咁...」我一路揸車，一路忍唔住喊。

理香姨以前一直私底下就好錫我地三兄妹，佢覺得細路仔要卷入豪門鬥爭係一件好可悲既事...所以我一直都對理香姨有好感，見到佢搞成咁我好心痛...

重有...如果理香姨真係永遠精神受損的話...我就注定要輸比媽咪同杏子...永遠冇得翻身...

理香姨係果日之後，就同左我地一齊住。

我同johnny

日夜咁照顧佢，但理香姨始終冇開過口，眼神依然係呆呆滯滯，好似連自己係邊個都唔知。

望見佢咁...我已經就黎失去希望....理香既身份已經死左，帶佢去醫院都冇用...只會令佢處境更危險...

「鈴鈴...」我部電話突然響，震到我個人醒一醒。

望一望.....係阿dom打比我。

「心如，我有樣好重要既事同你講。我係山頂間屋等你。」

「dom....我而家真係冇心情.....」我諗起理香姨...成個人絕望到一啲心情都冇...

「我知你煩緊理香件事，我可以幫你。」

吓...？

係啲！佢屋企係醫學世家！點解我會唔記得！但係...點解佢會知理香件事...

「但係我想你過黎先，有啲野，我覺得你有必要知道，係關於johnny既。」

關於johnny?有啲咩關於佢既野係我仲唔知嫁？

於是我就應承左阿dom，3點鐘過去山頂間屋搵佢。

第二十五章: 黑化

我3點已經準時去到山頂間屋。我行翻去熟悉既路到達門口，但今次我係以客人既身份，敲響對門。阿dom好快就已經過左黎開門，我一望見佢即刻呆左....佢望落成個人唔單止殘左，瘦左。重點係佢既外圍光....已經變成一隻混濁既紫色，似乎溝左其他光落去。我真係好懷疑佢重睇唔睇到我。

佢拉住我坐係廳，再斟左杯水比我。

我見到枱上面有一份公文袋，感覺裡面應該係阿dom想話我知既事。

佢拎住兩杯水過黎，慢慢坐左係我隔離。佢望住我既眼神，依舊係好溫柔。

「心如....我咁突然叫你上黎唔好意思呀。伯母有將你近排既事講比我聽，我知你煩緊理香既事。」

原來...佢同johnny媽仲一直有聯絡。不過之前住係度既時候，johnny媽都當我同阿dom親生子女咁錫住，有聯絡都唔出奇。

「山田理香你可以放心交比我，以我爸爸既技術，醫翻好佢絕對唔係問題。

我想你知道，最緊張你既人係邊個....而我永遠係最落力，亦都係最有能力幫到你既人...」

望住阿dom既表情，我硬係覺得....佢有啲唔尋常。

「我知道你同johnny已經一齊左。不過呢個年代，分手都係一件好平常既事。我唔會介意你同佢一齊過。」

「你咁講係咩意思？」

「我想話比你聽，無論你同邊個一齊，我都會尊重你決定。但你同一個一直呃你既人一齊，我真係無辦法袖手旁觀。」

阿dom拎起公文袋，拎左一疊資料同相出黎。

「johnny，全名鍾禮明，今年21歲，佢前工作做過侍應，sales，重有....ptbf。姐係鴨。」

「阿dom...我知佢曾經做過鴨，但係...」

「但係佢已經冇做改過自身？bullshit。冇錯，佢係已經冇做呢行，但佢有一個更快捷，更刺激既方法搵錢。」

講完之後，佢拎起電話，搵左段錄音播左出黎。

入面係johnny同兩個男人既對話。

首先出現係一個男人A既聲，段錄音既背景好嘈，似係係酒吧或者k房果裏。

「拿！我地在座兩個人四對耳聽住呢個打賭！有錄音為証！廢是你個衰仔走數！」

「驚你咩！絕不走數，我一定唔會輸！」係johnny把聲黎。

究竟佢地打咩賭？

「我！鍾禮明！一定會溝到果件死肥婆，呢啲佢啲錢等佢冇得買肉食！再飛左佢等佢喊住咁同我道歉！

個八婆上次搞到我幾樣衰，重要唔比錢我！佢今次重夠膽死搵我幫手！」

.....

我個心沉左一沉。

「johnny哥，呢獲我撐你呀，以你係鴨界出晒名再生金城武，邊有女人可以唔衰係你手上呀？」

「我要你！陳因如！為你當日走我數既事負出代價！我一定會十倍奉還！溝唔到佢我切j！」

「兄弟！撐你！溝到既話比埋間bar你點話！」

「飲啦！記得到時找j數呀哈哈哈哈哈....」

段錄音到呢度停左。

而且個心，已經有種四分五裂既感覺。

原來所有野，只係一場賭局。

係我一廂情願，以為浪子係會回頭。但原來所有野都只係佢職場上既伎倆，只要稍稍發功，就迷到人神魂顛倒，令我以為可以真真正正咁得到左佢。

但至頭來，我只係佢用黎打賭既一粒小籌碼。

「心如，聽我講，搬翻過黎啦。我唔想你陪了夫人又折兵咋。」阿dom開始不停遊說我翻翻黎住。但係...佢果團混濁既紫光令我心生懷疑。雖然段錄音...確實真係佢把聲。但我唔鍾意死得不明不白既感覺，我點都要問清楚johnny先得。阿dom見我拎起電話打比johnny，好激動咁攞住我：「你重問佢？唔好傻啦佢點會講真話呀。我搵過最top既私家偵探查過佢，你唔係唔相我呀嘛？」

「你...做咩咁緊張？老實講，段錄音...都成兩個月前，我覺得我要問翻當事人會好啲。」

阿dom一手搶左我個電話，衝入廁所擲左入馬桶。我完全比佢突如其來既舉動嚇親。

佢咁執意唔比我問...唔通段錄音...唔係事實既全部...？

「阿dom...你變得好奇怪。

你認真答我，你仲睇唔睇到我？」

阿dom冇回應我。

「心如，你遲早會感激我！信多我一次好冇，理香就交比我，我一定可以幫你對付佢地。你呢排好好休息下先。」

講完之後，佢係褲袋拎左支..好似狼牙棒既古怪野出黎，支棒上面刻左無數個奇怪既刻文同符號。佢拎起支棒，好輕力咁向我個天靈蓋扑左下....

我即刻有種靈魂出竅既感覺。

到我清醒翻，先發現....我已經出翻因如個身體，我而家.....變翻一個靈魂。

第二十六章: 奪魂棒

阿dom好震驚咁見到因如個身體已經變左個軀殼，完全冇反應。佢四圍張望，但都睇我唔到。事實上我只係攤左係因如隔離...佢果支究竟咩黎.....只係比佢咁輕力扑一下，我而家都已經全身冇力，想走出門口都好難...

但出左肉身之後，我開始見到身邊既靈魂，我望向因如個軀殼，入面確實係有一粒光係度，莫非果個就係因如沉睡緊既靈魂？點解我走左佢重沉睡緊？

阿dom荒張失措咁向住空氣講:「心如...你重係度嫁可？我咁輕手照計你個魂應該唔會散...你等我，我搞掂理香之後會再翻黎搵你，放心，你係呢度會好安全，當比自己放個假...我一定會翻黎。」講完佢就拎埋支棒，出左門口。

淨翻我，同因如係呢個死氣沉沉既屋入面。

就係咁...我攤左係度成兩個星期....每次我想行出個門口都變得異常辛苦...每一步都舉步維艱。次次都撐到出門口兩步就冇力再行出去....

呢度了無人煙...連靈魂都冇多個.....成兩個星期淨係得啲動物走過.....

係第三個星期，我終於勉強掙扎咁爬左出屋外面.....

無論人定鬼....

有冇人.....

可以救下我.....

白光.....

前面....我見到.....有白光.....

係johnny媽.....佢慢慢咁拎住盒西餅行緊過黎....

「伯母.....救我.....救我呀.....」我不斷發出微弱既呼叫，希望佢望到我。

伯母好似聽到我呼叫咁，但就係望極都搵我唔到....

「伯母...呢度呀.....」我用盡我最後一分力，向伯母招手。

終於，佢望到我軟弱既手，即刻跑左過黎。

「心如！心如！陰公點解你會係度！點解你會搞成咁！你個靈魂...透到得翻半個咁.....怪唔得之我睇你唔到！」伯母心痛咁跑過黎抱住我。

「阿dom....佢...有支棒...扑左.....我個頭.....」我微弱咁發出呼叫。

「你唔會同我講.....支棒出面刻住符文同好多古怪圖案，成支狼牙果支掛.....」

我點一點頭。

「阿dom佢竟然....佢明明知道呢支棒有幾恐怖.....唔怪得我支棒唔見左.....原來上次同佢講完支棒之後佢偷左.....」

伯母憤怒咁咬咬牙，再同我講:

「果一支，係靈宮入面有職位既我先有既——奪魂棒。我係人世間負責處理唔同遊魂既事，所以先有一支。但係我從來都冇用過.....

因為佢殺傷力太大，唔到有生命危險我都絕對唔會用。

奪魂棒有住非比尋常既靈力，專門對付一啲惡毒既靈魂罪犯。只要比佢大大力咁打一下個天靈蓋，即刻會魂飛魄散，七魂六魄會即時四分五裂.....

同時代表佢....再冇投胎既機會....」

「伯母.....我係咪.....就魂飛魄散.....」

伯母心疼咁安慰我:「傻女，你魂飛魄散左就見我唔到啦.....阿dom佢冇出盡全力打，代表你個靈魂仲保存到.....

但要點處理....我真係未遇過....睇黎我要同你去一轉靈宮。」

講完之後，伯母雙眼合理....隔左陣我見到佢個靈魂慢慢出左黎.....

之後佢抱起我，用手指成個dr strange咁開左個空間出黎....

入左個空間之後，我身處既再唔係山頂....而係....嘍？

「呢度.....入境處黎？」

我見到係呢個白色既空間入面，好多個唔同counter，每個counter都有人坐係度幫排隊既人檢查佢地既.....passport？定咩黎？我睇唔清楚....

「傻妹，呢度係轉世區。全部死左既靈魂，都會過黎呢度轉世。

而軀體既分配就係睇佢地手上本入世簿，入面會記錄底呢個靈魂上一世有冇做過啲大奸大惡既事，再依據佢地成世人既分判幾佢下世用人既軀體定畜生既軀體。」

咁坐係counter既人...係咪姐係死左都要翻工.....

「呢....坐係counter班人好忙嫁，又要檢查入世簿，又要安排軀體又要消除記憶先可以比人投胎。不過係度做既多數係入世簿分數太低，所以先做工去拎翻啲分數先投胎。」

原來人真係要為自己做既所有事負責....

伯母揸住我行左去另一邊，入左一座寫住靈院既建築入面。莫非係靈魂醫院咁解？

「阿詩，咩風吹你上黎呀？」

一入到去，個reception一望見我即刻呆左：「哇！你一黎就整件咁urgent既！」

之後佢就急急腳咁安排左我入病房。

黎睇我既，係一個望落似50歲阿叔既醫生，望落好似經驗老到咁。佢望一望我，鄒住眉頭咁講：「搞唔掂.....搞唔掂.....」

「你咁講咩意思呀.....」

「你要有心理準備.....我冇估錯的話...係奪魂棒係咪？」

我掙扎住咁講：「但係....佢.....只係.....好輕力.....扑左一下咋.....」

「妹妹....呢個唔係力既問題。問題係，呢一下.....你唔見左一魄。

你而家...得翻七魂五魄。」

第二十七章: 七魂六魄

「醫生....你咁講咩意思.....？」

「代表....你搵翻你果一魄之前....你唔可以轉世做人.....」

我個心沉左一沉.....佢咁講係咩意思.....

「要用一個人既軀體生活，一定要有七魂六魄先係一個完整既靈魂。咁佢先有足夠能量去過人既生活。」

相反，如果你搵唔翻果魄....你下生下世都淨係可以轉世做畜生....」

「冇可能.....人唔係.....有三魂七魄咩？....點解會變.....七魂六魄.....？」

「三魂七魄係你地世人所傳既姐。其實每個靈魂一直都係七魂六魄，少一個都唔得。而畜生就七魂三魄都可以駕馭嫁啦。」

即係.....我唔可以再股胎做人.....？」

冇野比呢個消息黎得更加震驚.....點解會咁.....我冇得再做人.....？」

呢一刻，我先發覺，原來可以做人....係幾咁難能可貴既事.....

「醫生.....我重有啲.....事.....一定.....要做.....求.....下你.....幫我.....」

我跪左係度，緊緊捉實大叔。我唔可以死住.....我重有事未完成.....我唔可以死.....

伯母見到我咁，都心痛到喊左出黎。

「阿海，你幫下佢啦.....我都求下你.....」

伯母邊喊，邊陪我跪埋一份。

「阿詩.....你地唔好咁啦....唔係我唔想幫你.....我都好難過嫁....問題係我都唔知佢果魄去左邊.....」大叔一臉難做咁想拉翻我地起身。

「阿海...我知你有...果樣野.....」伯母講完，大叔面色即刻沉左落黎。

「阿詩.....咁我好難做.....何況至多都係用得一星期.....」

伯母望住我問:「我地至多可以比你生存多一個星期，你得唔得？」

得.....一個星期？」

但係.....

我都唔想錯過.....

就算得一日，我都要翻翻去。

我點點頭。大叔好無奈叫望住我地:「唉....你又欠我一筆啦阿詩。拿，真係得一個星期咖咋。」

之後...佢慢慢行左入房....拎左一個樽仔出黎....入面有個光點，發住藍色既光....

「呢個係我自己之前儲落既魄....之前比靈管局既人發現左沒收晒.....好彩呢個佢地刮唔到.....呢個係唯一一個啦。」

講完之後，佢拎起藍色既魄，放左入我天靈蓋入面。

藍光一下子消失左，但我個身.....又充滿翻力量！

我同伯母瞬間去翻山頂，即係一開始伯母搵到我果撻草地度。

我同伯母即刻跑去屋度，但度門鎖住左。我穿過門入屋，見到因如重好似三個星期前咁訓左係度。

佢唔會.....已經死左掛....

我行埋去，入翻去因如入面。

奇怪？點解個身體同三個星期前冇分別，行得走得既？」

我即刻衝去開翻道門比伯母，佢見到佢有翻軀體用，都安慰起上黎。「心如，個軀體如果完全冇靈魂住係入面嫁話係唔會消耗能量嫁，所以你先可以好似之前咁。」

「但我見到因如係入面啲....」

「因如一直沉睡緊，你就當佢係一個不吃不喝既租客一樣，係唔會用到個軀體既力量。唔好再研究啦，你冇咩時間，快啲去做左緊要野先！」

我點點頭，再拉住伯母揸車去阿dom屋企。

「等我揸，我上次上過阿dom屋企飲茶知係邊。」伯母講完就坐上司機位開始飛車，手車穩到爆晒速都有小小頭暈既感覺。

「伯母...呢三個星期...johnny佢點？」

「唉...你唔講我都唔記得話你知.....呢三個星期你失左蹤，佢第一個星期不斷周圍去搵你，日日都捕住個電話等你msg。

到第二個星期，佢開始貼街招，但入面你個樣係佢用手畫出黎...佢驚貼你真樣會令你危險.....

到第三個星期.....佢成個人好憔悴咁，24小時咁開住陰陽眼出去周圍行....佢驚你個靈魂走左唔識翻黎...
...佢飯又食得兩淡，之後就急急腳出去搵你....日日如是....

睇到我不知幾心痛.....你快啲打翻個電話比佢報個平安先啦....」

我聽完之後，鼻酸酸，流左幾滴眼淚.....我之前重因為一段死人錄音...懷疑過佢.....

人與人之間既猜疑，究竟浪費左一生人既幾多時間？

直到而家得翻一個星期.....我先真真正正感受到，所謂既活在當下。

第二十八章: 真相

「伯母，你記得幫我保守秘密。唔好話比johnny知我冇左一魄既事。仲有，千其唔好比佢知阿dom用奪魂棒打過我。我驚佢唔知會做啲咩事出黎。」

「心如....好...我都想我個仔好既...」伯母鼻酸酸咁索左兩下鼻，哽咽住咁答應我。

之後我用伯母電話打比johnny，佢電話入面聽到我把聲異常激動，不停哽咽住咁問我呢三個星期去左邊。

我知電話另一邊既呢三個星期受左唔少苦....聽到佢竭嘶底里既聲...我個鼻好酸。

我係電話入面對佢講，我搞掂完所有野會再翻黎搵佢，以後都唔會再離開佢。

佢先安靜左落黎，肯乖乖收線。

伯母聽到我個大話，一臉憂愁咁問:「心如.....你一個星期後就走....你咁呢住佢，我驚個衰仔到時接受唔到.....」

放心啦伯母....我心入面早就盤算好，你個仔一定會冇事。

話咁快，伯母就揸左架車去阿dom屋企門口。阿dom屋企係一棟單棟式別墅，市值非凡。我同伯母停左架車之後，就行左去佢屋企搵門鍾。

出黎開門比我既....唔係阿dom....係fafa.....

「咦..因如你黎搵阿dom呀? dom仔我趕住去補習走先啦! 你地慢慢!」

阿dom見到係我同伯母，即刻大為失色咁過左黎解釋:「心如...你而家係心如...? 好彩冇事...頭先fafa上黎.....同我傾project咋....」

伯母一臉憤怒咁望住呀dom:「我支奪魂棒! 拎翻出黎!」

阿dom理虧咁望住伯母，之後咬咬唇慢慢係褲後袋拎左支棒出黎.....

就係佢.....令到我冇左一魄.....

伯母一手搶過支棒，之後雙眼通紅歇斯底里咁鬧阿dom。「你知唔知亂用我手上呢支野後果有幾嚴重! 佢可以奪走世間上任何野既七魂六魄! 點解你要偷! 點解你要咁做! 你知唔知心如佢」

我捉實伯母，示意佢唔好再講落去。

伯母一諗起我既遭遇，行埋一邊又忍唔住喊起上黎。

阿dm一臉茫然咁企左係度。

我過去拉埋佢行開一邊。佢好緊張咁問我:「我從來都.....冇見過伯母咁樣.....我知呀.....我知果支野威力好大.....所以我都好輕手啦.....」阿dom一邊講，一邊哽咽起上黎。

「我唔咁樣做.....我留得住你咩.....? 我唔想見到你去搵佢.....唔想你再走多次.....我先出此下策... ..我先搵人查佢，再cut過段錄音想你對johnny死心.....對唔住呀.....好彩你最後都冇事.....」

我一路拍佢膊頭，一邊安慰佢。

「dom，我冇事啦而就係翻度，冇人怪你唔洗驚....

點解你唔直接同我講....係都要諗埋呢啲對策攻擊人? 明明以前你唔會咁....」

「係...fafa教我咁做....佢話，如果你真係愛一個人，就要盡你能力，不擇手段咁得到佢。果時係成個腦都諗唔到野，我就照佢說話做...」

我見到佢咁痛苦既樣....我冇嬲佢.....反而係好難過.....

佢因為我比痛苦一直深纏，先會搞到自己泥足深陷。

我溫柔咁摸摸佢個頭:「似翻個男人，唔好再喊。今次就算啦，下次我真係嬲你嫁。」阿dom聽到我咁講，終於好似釋放左咁破涕為笑。但係佢永遠唔知道...

已經唔會再有下一次。

平伏完心情，阿dom帶左我去一間好隱密既房，搵左幾下密碼就帶左我入去。

「因如.....」

「理香姨.....」

入面坐係病床既理香姨已經回覆翻精神，認到我係因如。我地即刻攞埋一齊，激動到喊起上黎。理香姨慢慢放開我，開始問翻我屋企情況，重問起心如，姐係我點樣。

「心如佢...已經死左。」

理香姨聽到之後，痛心疾首咁喊起上黎。

「都係我.....都係我冇用.....最後都阻止唔到呢個結局....」

「理香姨...你可唔可以話我知，你係咪知心如點死？」

理香姨一邊喊住，一邊斷斷續續咁話我聽：

「心如佢.....其實唔係阿媚親生。你老豆係娶阿媚之前，本來重有個大婆，但生完心如之後就難產死左。

你老豆好愛個大婆嫁，所以唔想你一出世就冇媽咪，就將你比左佢第二個老婆阿媚湊。

邊有女人鍾意第二個女人生既女...所以佢一直好唔願意咁湊大你....而佢自己偏偏就蛋都生唔到粒..」

原來.....我媽咪真係唔係親生....唔怪得由細到大都冇攞過我，亦都好少理我。

「後來我同katy入左黎，都各自生左杏子同你。但你爸爸永遠都最着緊心如，偏心寵佢一個，重有打算將公司交比佢....」

係既....爸爸一直都特別寵我。可能想補償翻我出世冇親生媽咪既遺憾。

「杏子佢一路都好不滿....佢開始會成日過黎同我抱怨，爸爸點唔重視佢....又會埋怨我係屋企冇地位，先會搞到佢唔比人重視.....作為一個媽咪，聽到個仔咁講，個種心情真係好複雜。

直到有一次，我見到我個仔同阿媚入左房。我覺得好奇怪....阿媚幾時同我個仔咁熟...結果我偷聽到....佢地既計劃....」

「計劃？...關於心如？」

「係....佢地當時已經密謀緊....點樣殺心如....杏子果時同阿媚做左交易，只要杏子上到位接手公司，將來你老豆死左，佢會轉讓40%既股份比佢.....

點知我聽到一時受驚，一唔小心撞到隊門.....結果就比佢地屈我死左，一直收埋我。」之後理香一直攞住我喊....

估唔到佢兩個....原來係咁早之前已繼計劃好晒....

「理香姨...放心啦，我一定會還你一個公道。」

果晚之後，我比理香姨好好休息一晚，再同伯母商量下一步點做。

「伯母，不如我地搵johnny商量下先...始終人多好辦事。」伯母都表示贊成。

我地交代阿dom好好照顧住理香姨，就揸車翻翻去伯母屋企。

一入到門口，我已經見到johnny坐左係梳化等我。

佢成個人真係....憔悴左好多好多....個人起碼瘦左個圈，雙頰凹陷，黑眼圈大到好似幾日冇訓覺咁....塊面既鬚已經生到一個長度冇整理過，頭髮都係亂糟糟....

枱面上全部都係啲垃圾速食既包裝....

成個人人唔似人，鬼唔似鬼....

呢個月.....佢究竟.....係過住點既生活.....

佢望見我，忍住激動既心情行左過黎。

我以為，佢會好似係電話入面咁，狠狠咁鬧我。

但佢冇出聲，只係緊緊咁抵住嘴唇邊咁震....然後輕輕咁攞住我...

「翻黎就好。」

第二十九章: 報仇

我知道，呢種係屬於佢既溫柔。

我幫佢整理好成個人，刮走啲鬚渣，洗翻乾淨個頭，再清理好枱面既垃圾。

原來，可以為佢做每一件事，係咁幸福。

我真係好想，下半世都繼續幫佢打理屋企，幫佢整理家頭細務....

我幻想我同佢以後一齊生活..我每日煮好飯等佢翻黎食，再幫佢放水沖涼，佢會笑住咁叫我老婆，然後成身臭汗攞埋黎。

「嘻...」

「諗緊啲咩咁好笑？」

「唔.....夢想囉。」

「你竟然有個dream？」

「你啲凡夫俗子唔會明，我夢想係得到全世界！」

Johnny笑住咁捏左塊面一下:「有我重唔夠咩？」

傻佬，你咪我全世界囉。

第二朝，我地整理好晒所有裝備，就同johnny同伯母一齊出發去接理香姨。以防萬一我地三個帶左比上次更加多既武器，電筆，小刀，避彈褲通通一應俱全。

「理香姨...慢慢黎...呢度上車...」理香姨既身體重未完全康復，雖然行得走得，但步速依然好緩慢。

「因如.....你確定你老豆一定係屋企？如果唔係既話我地翻去一定凶多吉少。」

我一早派左偉言上左我之前比阿dom監視間屋去查，佢頭先已經報左料話確定見到爸爸有翻到屋企。

「放心啦，理香姨，一切都係計劃之中。」

大約4點幾，我地架車已經到左屋企停車場。

已經成兩個月冇翻黎.....但老豆同katy一個電話都有比過因如。係佢地眼中，子女究竟係咩野？

商業工具？定淨係等家族望落風光小小既所謂家人？當中又有冇愛既存在？

為左安全起見

我安排左伯母同理香姨係車度唔好出黎，我同johnny兩個行先一步走向屋企視察情況。

我慢慢咁拎起屋企鎖鑰，屏住呼吸咁....開左道門。

屋入面...空無一人。

「岳父會唔會係房做緊野？」johnny

咁快轉口叫岳父。「闔住，等陣見到佢唔好咁叫佢呀！」我面都紅晒咁望住佢。

之後我地上樓上小心翼翼咁行去爸爸間房。一上去就見到房門半掩，睇黎爸爸應該係入面做緊野。

我示意johnny係門口等，廢是爸爸見到佢會覺得奇怪，都係我打聲招呼會好啲。

我慢慢推開房門行入去.....

「呀！」突然有人扯左我入房，再一野關埋房門鎖住左！

「心如！心如！屌你班仆街門門呀！」我淨係聽到，門既另一邊係johnny嘶心裂肺既叫聲。

我一下比人捉住擲落地下，成條腰好似骨折咁痛。我揉住條腰骨向上一望。

房入面根本冇爸爸。

只有katy姨，媽咪，同杏子。

第三十章: 開戰

「媽.....」我望住katy姨嗌。我係佢個女因如，佢點會忍心唔救我。

「katy！你清醒啲，佢唔係你個女，佢係陳心如！」媽咪露出勝利既笑容，同我講：「所以話你頭髮長見識短.....死左都唔知道...薑都係老既辣。」

「你以為你識搵人查我，我就唔識？你個偉言食緊兩邊茶飯，你又知唔知？」

仆街！原來係偉言！！佢真係出賣我！

「搵到山田理香又點，你以為你推佢出黎講比爸爸聽佢就會信咩？」趁佢講緊，我偷偷地雙手係後面，擦着左johnny比我支錄音電筆。

「我地三個人三把口，你估爸爸會信邊個？我係咁而整份報告出黎話山田理香有孖生姊妹既話，佢咪一樣冇得翻身。虧你重話係我個女，小小腦都冇。」

媽咪不屑咁向我吐左啖口水。katy姨好心急咁問：「幾時幫我整走佢出黎呀？唉死都死得麻q煩過人，仲要搞埋我個囡，你話你係咪累人累物！」

你又點會估到，呢個世界上最想你死既人，就係你朝夕相對既屋企人。

「得啦，阿ming佢幾辛苦先幫我刮到隻野上左你個女身，佢一早比左支野我，話咩鬼都打得散！」

ming？莫非果個好出名既風水佬蘇文明？！

媽咪慢慢咁係手袋度拎左佢話既果樣野出黎....

係....奪魂棒.....

不過呢支比起伯母果支，多左更多符文同圖案，莫非佢果支.....威力仲勁啲....？

今次.....睇黎.....真係必死無疑.....

「杏子！katy！幫我攞住個死女包！」

媽咪一聲令下，佢地兩個即刻就過黎想捉住我。

門外面開始有撬鎖聲。

「心如！你頂住呀！我好快入到黎救你！你班仆街！我女人少左條毛都唔會放過你呀！」

係johnny把聲...死之前可以聽到你叫我做你女人...都算係此生無憾.....

聽到johnny撬鎖之後，杏子開始衝過黎想攞住我，但佢瘦到條籐咁邊係我對手。媽咪拎住支棒想打我天靈蓋果陣，我即刻一個反身捉住杏子擋左一棍！

「呀！八婆！你想我死呀！」杏子一臉憤怒咁睇住媽咪。

係呢個瞬間，我一下拎左支電筆出黎，一下電暈左杏子。

媽咪見到我有武器，顯得更加小心。

katy見到杏子咁樣，一早驚到嗌左出黎，郁都唔敢郁。

媽咪開始小心翼翼咁拎住支棍衝過黎，一野劈落黎，我轉身避過，但手臂都重重食左一棍，手上既電筆隨即跌左落地。

「你以為....你可以鬥得過我咩？」媽咪得意洋洋咁一手擦我落地，再手起棍落咁想劈落我個天靈蓋度。

「媽咪，你唔好忘記，我係你帶大嫁。」我伸手拎起腰間既小刀，一下插落佢大脾度。

「呀！！」媽咪手上既奪魂棍一下跌落地，我拎起隔離書櫃跌出黎既硬皮書，一下扑落佢後頸，佢即刻失去左知覺。

「呢一刀！還翻比你！」

Johnny聽到媽咪慘叫之後，出盡左蠻力，一野撞左落黎。

佢一開門見到我仲生勾勾坐左係度，而媽咪同杏子已經冇左知覺攤左係度。

佢激動到衝過黎一手抱住着我。

「好彩.....好彩你冇事.....頭先真係嚇死我.....」johnny驚魂未定咁抱實我。

「小心！」johnny突然一下扯左我去第二邊，再一下擋係我面前。

係我未知發生咩事既時候，我已經聽到一下清脆既聲響...

「咄！」
johnny既天靈蓋.....
比katy手上既奪魂棒扑左一下....

第三十二章: 團聚

我即刻執翻起電筆，一下電落katy度，佢瞬間就暈左落地。

我即刻過睇下johnny...

死啦....johnny係我手上已經冇任何反應.....但依然重有呼吸....

佢既魂魄.....係咪已經比人打散左....

佢係咪唔可以再投胎.....

呢個時候伯母同理香姨行左入黎，伯母見到自己個仔訓左係度，嚇到衝過黎攞住johnny。

「心如！頭先發生咩事？點解我個仔暈左嫁....？」伯母好緊張咁問我。「你唔好喊住先啦！發生咩事？」

我喊住咁指住katy隔離支奪魂棒，支支吾吾咁講:「johnny佢.....比奪魂棒好大力扑中左.....唔知係咪已經.....魂飛魄散.....」

伯母即刻拎起支棍，好細心咁望左好耐...

之後佢遞比我，叫我望下支棍個棍頭。

.....

「.....made in.....china？」

wtf? 支野流嫁?

「支棍係咪電視個蘇文明用果支呀？」

我上次睇電視見到佢拎住呢支假野呢飯食已經覺得好好笑，支野啲質素仲衰過淘寶嗰....」

我即刻破涕為笑咁攞住johnny，

好彩，佢既七魂六魄重係度.....

我揸住johnny去梳化休息，伯母就幫手將佢地三個綁係櫈度，免得佢地三個再有咩手段。

理香姨驚魂未定咁行翻去廳，坐係我隔離休息。

到夜晚八點，爸爸終於翻左黎。

佢見到廳入面坐係度既理香姨，震驚到跌左落地下。

「爸爸！」我即刻過去扶起佢，慢慢帶佢行去理香姨果度。

爸爸見到理香，伸出手慢慢摸住理香姨塊面，理香姨早已經泣不成聲。

「阿香.....我係咪發緊夢....? 阿香！」

爸爸同理香緊緊咁擁抱住，一直相擁痛哭。係旁邊見到呢個場面既我地，都睇到鼻酸酸。

「阿香? 你唔係死左嫁咩? 究竟發生左咩事？」

理香姨緊緊咁捉住爸爸手臂，將佢一路既經歷向爸爸娓娓道來。爸爸一路聽，一路將個拳頭越握越緊。

「阿媚佢地....竟然咁對你...！」爸爸上樓上想質問佢地，點知見到佢地三個綁住係櫈道。

我將錄音筆播比爸爸聽，爸爸聽完即刻清楚晒左頭先既事。

佢望住我，神情疑惑咁問:「佢地話你上左因如身....所以.....你....你係心如？」

我激動咁望住佢，點點頭。

「心如.....心如....對唔住.....係我冇保護好你.....」爸爸好激動咁攞住我，已經.....好耐未試過咁樣比爸爸擁抱過。

我同爸爸互相擁抱

· 痛哭流淚，我一邊攞住佢一邊輕拍佢膊頭安慰佢，要爸爸佢一時間接受咁多，確實係對佢好殘忍。

平伏好心情之後，我同爸爸入左佢房商量好後事。

「心如....你幾時要走？」

「5日後。」

「咁急？我重以為....可以再同你相處耐啲...」

我拖住爸爸隻手，笑住同佢講：「爸爸，呢一刻重可以企係你面前講野，已經係一個bonus黎嫁啦。以後你要好好睇住屋企....睇住因如....

你見翻因如之後，幫我同佢講，我已經原諒左佢。

多謝佢肯借佢身體比我，因為佢，我先可以死過翻生，真真正正活多一次。係佢，送左呢一段回憶比我。」

「女.....」

爸爸再一次擁抱我...同我作最後既告別....

第三十三章: 最後四天

一切都變得雨過天晴，所有真相已經水落石出。

我既任務可以話係完成左。

但係，我有諗過，呢段時間入面，又多左我放唔底既野。

「心如，重唔重呀.....你洗咪放底佢抖下？」伯母一邊行翻屋企，一邊擔心我頂唔順。

「唔重。而家唔搵，以後有機會啦。」我盡量強顏歡笑咁望住伯母，示意佢唔洗擔心我。

翻到屋企，我揸左佢入房，慢慢將佢放係床度。

之後我伸手幫佢除鞋，換翻件舒適既睡衣，再焗左個雞蛋慢慢咁碌佢頭上面腫起既傷口。

望住佢訓得好安心個樣，我個心安慰得黎，又感覺好痛苦。

我希望佢一世都可以好似而家咁，安心到好似小朋友咁訓覺。而我，就係旁邊靜靜咁守護住佢。

我慢慢.....將個頭貼近佢心口。

聽住佢一下又一下既心跳聲，我.....突然間.....

好難過.....

我唔想死.....

我真係好想同佢一齊走落去.....

我.....好想做人.....

可唔可以...比多次機會我.....

我強忍住淚水，行左出廳，先發現伯母一直望住我。

伯母溫柔咁攬住我，輕輕一下一下咁摸住我個頭安撫我。

我忍唔住...攬實佢.....喊左好耐...好耐.....好似將留左十年既眼淚一次過喊出黎咁.....

我喊得竭斯底里...

我喊得聲嘶力竭...直到淚乾為止.....

johnny醒翻，已經係第二朝既事。

佢一張開眼望見我訓左係佢個肚度，即刻好溫柔咁摸摸我個頭，整醒左我。

「每朝早訓醒就見到你.....好幸福。」佢笑得真係...好甜....好開心.....

佢拖住我落街，去茶記食完早餐，再同我一齊係公園散散步。呢種平凡既生活，原來真係，好幸福，好安穩。

同時對時日無多既我黎講.....好珍貴。

「係呢...你幾時會出翻因如身體？之後會點樣？」

佢醒起我心願了左，但仲係因如入面，所以有啲擔心咁問我。

「我4日後，會去一轉靈宮。你媽咪已經搵到有空軀體借比我，到時我會再翻黎搵你。」我情急之下，又再作多個大話。

佢聽完鬆左一口氣，仲笑住講:「到時借左個男人軀殼過黎唔好搵我做0仔呀！」

我笑住咁拍佢，打打鬧鬧咁過左平凡既一日。

仲淨翻3日。

「伯母，我叫你準備果樣野.....你準備左未？」

伯母一臉憂愁咁望住我:「你確定....要咁做？做左就....真係翻唔到轉頭...」

「求下你.....一定要做。」

「好啦.....咁阿dom果邊你交比我。」講完之後，伯母就神色凝重咁出左口。

我咁做...都係為所有人好。

「心如，想去邊呀今日？」johnny從後抱住我，溫柔咁問。

「去沙灘好冇？」

「你去邊我都陪你。」
我苦笑左一下，再拖實佢一齊去左淺水灣。
係海灘漫步係我一直想同鍾意既人一齊做既事。
我地拖住手，吹住海風.....一邊踢住水，睇日落。
望見滿足既笑容....係我最大既幸福。
只要佢永遠都咁笑落去，我做咩都值得。

開心既時間.....總係過得特別快。
呢個星期，係我呢世人，過得最甜蜜既時光。
今日....就係我要翻靈宮既日子。
我安排比伯母既事，佢已經做好。
「阿dom佢.....已經唔記得你.....佢係記憶中從來冇呢個人存在過。」伯母遲疑咁，將係轉世處既記憶消除筆交比我。

「嗯。」
我接過記憶筆，將佢袋好。
伯母望住我.....忍唔住流眼淚，為左唔好比johnny見到，佢急急腳行出屋企。
「沖完涼啦？」我望見johnny滴住水珠既頭髮，溫柔咁拎起毛巾幫佢擦乾頭髮。
佢將個頭放係我心口，撒住嬌咁話:「你真係好.....你唔會離開我嫁可？」
我笑住咁，最後一次撫摸住佢個頭。

「唔會。」
「真既？我愛你。」佢合理雙眼，一臉幸福咁緊緊抱實我。

「我都愛你。」
我係褲袋拎起記憶消除筆，點左落johnny既天靈蓋度。
我希望我同佢既結局，係永遠留係最甜蜜既一刻。

「消除鍾禮明對陳心如所有記憶」
指令發下之後，記憶筆發出綠光，所有既關於我既記憶好似走馬燈咁由johnny個腦度一幕一幕咁出現。

我先見到，原來佢眼中既我，係笑得咁傻，咁開心。
綠光慢慢消失，johnny失去知覺訓左係地下，但佢既嘴角，依然露出幸福既微笑。
我將佢抱翻落床，撫摸住佢臉頰，
最後一次，親吻佢額頭。

「再見啦，johnny。」
我從因如既軀體走翻出黎，向靈宮出發。

最終章: 真島與牧村實

「大叔，多謝你借個魄比我」
我翻醫院搵翻大叔，向佢比左呢一星期時間表示感激。
佢見到我一臉傷感咁講：「唉...你真係唔好彩.....冇左一魄算係靈界最可怕既事....邊有人想永生永世做隻蓄生....」
大叔沉默左一陣，嘆左口氣，「以前，都有個病人同你一樣。不過佢重慘，冇左一魄一魄。」
「咁佢之後點？永遠做蓄生？」
「咁又唔係，佢都算係靈界奇蹟啦。果陣佢唔甘心自己永遠做蓄生，咪借左個動物軀體落人間，搵翻佢啲魂魄囉。
佢死完又再轉軀體，每一世都冇放棄過搵翻佢既魂魄。
結果，佢轉左三，四次世，搵左一百二十年，終於比佢搵翻佢果一魄一魄。而家咪開開心心做緊人囉。」
「一百....二十年？」
「一百二十年算快啦，有啲人搵左五百幾年都搵唔到。」
咁姐係.....我有可能永生永世都搵唔到。
但我真係....好想試下....成為果個奇蹟。
我行去轉世處，大叔同轉世處既人講左我既情況，允許我保留記憶落人間搵我果一魄。
「記得，你失去既魄係發住藍光既「非毒」，簡稱愛魄，少左呢一魄，你會忘記左愛既感覺。」
講完之後，大叔正式收走翻借比我既一魄，藍色光隨即係大叔手上消失。
我即刻，覺得成個人好輕鬆....我摸摸翻面，奇怪，點解頭先我會流眼淚既？
轉世處既人將我帶到白色轉世房，準備幫我轉世。

不知不覺....我已經係度做左17年流浪貓。
不過都幾開心既，日日食飽就訓，得閒就去嚟下人又會有野食，舒服過做人添....
真係奇怪？點解我之前會咁想做人既？
今日我又路到海邊散步，有個好得意既細路女走過黎摸我。
「喵！」我不滿咁對佢發出叫聲。
「喂！心如！」
邊個叫我？
我望向前面....咦.....佢咪係johnny？
佢拖住一個幾有大家閨秀氣質既女人行過黎，再一下抱起前面既細路女。
「心如！唔好再亂咁跑啦！」johnny好勞氣咁教訓佢，再笑住咁拖住個女人同細路女行走。
奇怪，點解.....之前好似為左佢好傷心咁....
佢而家咁幾好呀。
「喵！」
咦，我見到.....
我見到.....
佢地一家大細前面.....有粒藍色既光點！
唔會掛！
唔會掛！莫非係我既魄？
我跑埋去johnny既腳前，一手捉住粒光點。
所有感覺翻翻晒黎。
我前面係.....johnny？
佢蹲低摸住我，溫柔咁講：「貓仔乖。」

「老婆，聽日我地再帶心如黎睇貓仔好冇？」
旁邊既女人笑住點頭。佢地一家大細好溫馨咁離開左。
我回想翻johnny以前同我講過：
「因為真島冇同牧村實一齊，所以牧村實先會係佢一生最愛。」
「喵。」
我流淚望向佢地既背影，佢幸福既笑容就係我最想得到既結局。
再見啦，我既真島。

(完)